

EWI LEDIDILIKO

 Kaleni ofika okafimbo mOukalipo wOmwene. Natu lesheni okudja mOndjovo Yaye, muExodus, ekapiteli eti4.

...Moses okwa nyamukula ndele ta ti, Ashike, tala, itava itavele nge, ile va pwilikine kewi lange: osheshi otava ti, OMWENE ine ku lihololela.

Ndele OMWENE ta ti kuye, Oshike shi li meke loye?... okwa ti, Onhaili.

Ndele okwa ti, I ekela poshi. Ndele okwe i ekela poshi, ndele oya ninga eyoka; naMoses okwe li ya onhapo.

Ndele OMWENE okwa lombwela Moses, Nana eke loye, nokuli kwata komushila. Ndele okwa nana eke laye, noku li kwata, ndele lo ola ninga onhaili meke laye:

Opo va shiive okwiitavela nokutya OMWENE Kalunga kooxe yavo, Kalunga kaAbraham, Kalunga kaIsak, naKalunga kaJakob, e ku lihololela.

Ndele OMWENE okwe mu lombwela vali, Shitika paife eke loye monghwapa. Ndele okwe li shitika monghwapa yaye: ndele eshi e li kufa mo, tala, la kwatwa koshilundu ngaashi eemhawe.

Ndele ye ta ti, Shitika mo vali eke loye monghwapa yoye. Ndele okwa shitika mo vali eke laye monghwapa; nokuli kufa monghwapa yaye, ndele, tala, la ninga vali olutu laye.

Ndele otashi kala kutya, nge itave ku itavele, ile va pwilikine kewi loye ledidiliko lotete, opo nee tava itavele ewi ledidiliko laxuuninwa.

Ndele otashi kala kutya, nge itave ku itavele, omadidiliko aa avali, ile va pwilikine kewi loye, teka hano omeva momulonga, nokua tila poukukutu: opo nee omeva aa wa teka momulonga taa ka ninga ohonde po...ukukutu.

² Natu nyongamekeni omitwe detu tu ilikane. Paife ou na eindilo, monguloshi ei, olo wa hala u shiivifile Omwene, yelufa ashike omake oye nokutya, "Omwene, dimbuluke nge paife. Ondi nomhumbwe."

³ Tate wetu Omukwaulu, otwe uya kuOve natango onguloshi ei, twa dimbulula kutya ngaashi twa nyongameka omitwe detu kekako olo hatu di, ndele, nge Owa teelete, ohatu ka shuna mondwi. Ashike nelineekelo layambekwa leudaneko olo li li muKristus, kutya aveshe ovo ve li muKalunga ovo Kristus

te uya naYe. Otwe—otwe Ku pandula molwa eudaneko eli loshinge. Ndele ohandi ilikana, Kalunga, opo U dimbuluke keshe womuvo oo a yelufa omake aye, ange yo, Omwene.

⁴ Ohandi ilikana, konguloshi, kutya mokupata kwotundi ei yeitavelo, opo U pe ovanhu eitavelo olo konguloshi, kutya Omwene Jesus ota kala wolela kukeshe umwe womufye, kutya itapa kala oshinghundi mokati ketu konima yonguloshi. Omulunde keshe na dimbulule kutya oku li mOukalipo wOmwene Jesus, nokulidilulula hano komatimba aye, nokuyandja omutima waye kuOve, nokuyadifwa nOmhepo; meetundi edi daxuuninwa dii, ngaashi tudi wete da fa omudidimbe munene tau likokele kombada yedu.

⁵ Ohatu ilikana, Kalunga, molwa ewiliko Loukwakalunga, konguloshi, mokupopya nomokuuda. Omhepo Iyapuki nai kufe oshiongalele paife nokutopola Omungome wOmwenyoo kukeshe umwe womufye ngaashi twa pumbwa, otwe shi indila mEdina Laye. Amen.

Kaleni omutumba.

⁶ Onde lineekela kutya konguloshi ohatu ka dula okupondola osho hatu kendabala oku pa ovanhu va mone, o—oukwashili wokukala neitavelo muKalunga.

⁷ Paife, mongula omutenya petata lonhatu, aveshe ovo ve noukalata veikaneno otava ka ilikanenwa. Nokushiiva hano kutya kape na umwe a fyala po, e he nokakalata keilikaneno, oufiku keshe ohatu yandje oukalata veikaneno. Ndele ote va yandje natango mongula, lwope... Ndi wete, lwopetata lombali ile shimwe shatya ngaho, manga oshiongalele inashi tameka. Naavesho ovo va hala okuilikanenwa, keshe umwe womovaholike voye, nave uye nokumona okakalata keilikaneno. Otava kala lela va—va tambulwa ko kokakalata keilikaneno. Nohatu ka...

⁸ Ohandi ka ilikanena ovanhu, paku va tenheka omake noku va ilikanena. Paife nge eitavelo loye itali yeluka mOukalipo wOmwene Jesus noku Mu tambula onga Omuvveluli woye, nowa itavela kutya nge twa ilikana noku ku tenheka omake, osho otashi kwafa, iya, otu li apa lela okuninga kesheshimwe eshi wa hala.

⁹ Etomelo nde shi kaleka fiyo kwatoka, olule, okumona kutya kesheumwe oo handi dulu, ta dulu okufika nokumona Kalunga momilandu odo. Ndele katu na vahapu unene. Ope na... Etungilo kala kula, nonghee katu na unene ovanhu vahapu. Ndele ohatu dulu okukufa mongula omutenya nokuilikanena aveshe ava tu na apa, okutula mo omutenya molwa elalakano olo, mokuilikanena ovanaaudu.

¹⁰ Ndele otu li apa okuninga kesheshimwe hatu dulu okukwafa oku ku ningila onghalamwenyo i xwepo kanini, okuyululula omutengi, molweendo eli hatu ende.

¹¹ Nopefimbo keshe hano, opo kesheumwe e udite kutya—kutya okwa hala okuuya kOmwene Jesus, kashi nombudi kutya oshitopolwa shilipi shelongelokalunga tashi ningwa, ila hano lela. Ino teeela fiyo eifano koartali tali ningwa. Ino teeela fiyo eshiivo tali yandjwa. Ila hano lela, tambula Kristus, ndele ilo lela noku Mu hepaulula hano lela. Osheshi osho oshilalakanenwa shetu shinene okukala apa, okumona eemwenyo tadi dalelwa mOuhamba waKalunga.

¹² Ndele paife, mongula Osoondaxa, notapa ka kala ofikola Yosoondaxa, eengeleka. Etomelo tu nine omalongelokalunga etu omutenya, mOsoondaxa, opo tuha piyaaneke elongelokalunga lasha nandenande. Otwa itavela kutya Omukriste keshe oku nokukala e na o—ongeleka yopeumbo oyo ha i. Omukriste keshe oku nokushakena lwopamwe novaitaveli. Nakeshe opo mwa shakena, oyo ongeleka.

¹³ Paife, nge ohandi kala apa, ohandi kala waimwe yeengeleka di li apa, odo ovafitaongalo ve li apa, olo elongelokumwe, okukalelapo. Omolwashike? Molwaashi ove li omutumba apa komesho, okumonika kovanhu aveshe, kutya ova tambulako eshi tashi ningwa. Ova itavela moshilonga sholudi eli, eveluko Loukwakalunga, Eshasho lOmhepo Iyapuki, nosho tuu. Ove li apa oku shi yandjela oundombwedi. Ovo va shiiva nge ndi uye apa, opo pamwe oshilonga shOmwene nde shi pewa shi kwafe omaongalo avo.

¹⁴ Paife oo omufitaongalo wolela, oo ta kongo omauwa aeshe opamhepo ta dulu, akesheshimwe Kalunga ta ningi, opo ta kendabala eshiivo laye okukwafa ongeleka yaye i yuke kuKalunga. Onda dula ko lela embale lange mokufimaneka omufitaongalo a tya ngaha.

¹⁵ Ndele ovalumenhu ava ove shi ninga moudjuu, yo. Oto dulu oku shi itavela shi kale oshili. Ove noku shi ninga moudjuu. Ndele onda—onda hafela lela ovalumenhu vatya ngaha vaKalunga, ovo va hala okukufa onhele yavo noshinakuwanifwa longa shavo komaitavelifo avo, no—nokuitavela. Kalunga ne va yambeke!

¹⁶ Ondi shi shii lela kutya otave ku ningi nawa. Paife, nge ou mupe apa, mona apa ovamwatate ava ve na eengeleka davo, apa ve li. Va talela po mongula. Ove nomalongelokalunga e likalekelwa, nope na ovalongi apa ovo tava ka popya keengeleka da yooloka, ndele ongaashi sha shiivifwa. Onghee kala kuvo mongula.

¹⁷ Ndele hano mongula omutenya, nge owa hala okuuya kokupatako kwelongelokalunga, ohatu hafe okukala tu ku na. Eengeleka adishe, omaukwaongalo aeshe, osha kesheumwe. Kesheumwe okwa tambulwa ko; Omumethodiste, Omubaptiste, Omupresbeteria, Omupentekoste, ongeleka

yaKristus, ongeleka yaKalunga, Omukatoolika, Omujuda Omurthodox, omukakunakalunga, keshe osho u li. Otwa... Owa shiivwa.

“Owa ti, ‘Omukakunakalunga’?” Eheno, omufimanekwa.

¹⁸ Nge omukakunakalunga ote uya moshiongalele nokukala omutumba nokulihumbata yemwene, okwa tambulwa ko ngaashi kesheumwe elili. Omondjila. Shimwe, osho twe mu halela apa, opo shimwe shi dule okuningwa osho tashi mu kwafa okumona epuko laye, nokuuya kOmwene. Osheshi otwa... Lelalela.

¹⁹ Vangapi va lesha emoniko linini olo omagazine yOvalumenhu Ovanangeshefa Ovakriste va nyanyangida, ndele onda itavela mahapu omaga..., o, *Looking Past The Curtain Of Time?* Paife osho oshili, kaume. Ito dulu oku shi shekuna. Onda—onda kala omunhu a yooloka okudja opo. Ondi shi shii kutya oshorela, onghee onde—onde—onde lineekela kutya kape na umwe womunye ta shekuna Eulu linene olo Kalunga e nine ovaitaveli. Nge owe shi ningi, oshike wa pondola kedu oku? Shaashi, ku shii kutya efimbo lili pi to di kounyuni ou. Ashike shimwe u shii, ou noku li fiya po. Onghee nge oshili, hano itatu kala twa nyikoulai unene okukendabala oku—okumona ngaashi... Itatu dulu okukufa omhito yonhumba. Uwete, dimbuluka ashike, itavela Ondjovo yaKalunga neudaneko keshe li li muYo.

²⁰ Diladila ashike, osho sha etifa ouvela keshe, edengo lomutima keshe, efyo keshe, oupyakadi keshe, oluhodi keshe, okaana kelegelege aka, naikwao ei, omaulema, omaupofi, oshipangelo keshe shi tungwe? Molwaashi omunhu umwe ina itavela okatopolwa kOndjovo. Okwa li Eva. Satana okwe shi mu pwipwikilila. Ha okuendululila, ashike oku shi mu pwipwikilila, ta ti, “Shoshili... Omwene omuwa unene.”

²¹ Owa uda shihapu nena kombinga shi li, Kalunga mokukala Kalunga muwa. Oye Kalunga muwa, ashike dimbuluka Oye Kalunga kouyapuki, Kalunga oo ihe lididimikile oulunde. Ehandukilo owe li futilwa, ndele ou noku shi tambula momilandu Daye. Ndele dimbuluka, Oye Kalunga kehandu, Kalunga koupyuhandu. Ndele oto ka fikama koshipala shaKalunga a handuka, ha Kalunga ashike kouwa nonghenda. Konguloshi Oye Omuxupifi woye; Efiku olo Oye Omupanguli woye.

²² Onghee shiiva kutya ino efa shimwe ina shi yukifwa, kaume. Ita—ita shi... Ita shi futu. Ino—ino kala nouhaya inda kusho. Shiiva, shiiva odaabulu, shaashi ito mono vali omhito ikwao. Ei omhito yoye, fimbo u li kedu oku.

²³ Dimbuluka omulumenhu oshipuna naLasarus, opa li ombwili inene pokati koye naYe, kape nomunhu ta dulu okutauluka, ile ta ka tauluka. UWete? Ngeenge owa—ngeenge

owa fi, osha pwa. Ondi shii ovanhu hava ti kutya otave ku ilikanenuna mo meenhele odo, ashike ino shi itavela nande. Oshi li omhinge nOndjovo yaKalunga. Uwete? “Oko omuti wa nangela, oko tau wile.” Ndele Jesus okwa ti, Yemwene, kutya, “Opa li ombwili, opo, ngeenge omunhu okwa fi ndele ta i koheli, ita dulu (nande) okuuya kEulu. Kape nomunhu ta dulu okui tauluka, noita dulu.” Osha pwa, ngaashi ndi uditeko. Eshi Jesus eshi ty a osho sha li, osho shi li ngaho.

²⁴ Onghee dimbuluka ashike, paife omhito yoye, nokonguloshi otashi dulu okukala omhito yoye yaxuuninwa.

²⁵ Iho hakana eshi shi li po? Nge ou shi wete! Onde lineekela ito diladila kutya okupopuya kwatya ngaho, oko handi kendabala oku ku nwefa mo okutala komunhu wonhumba, ile u itavele omunhu wonhumba. Itandi shi ningi, kaume. Ohandi kendabala oku ku itavelifa Ou fye tu li mOukalipo waye paife. Jesus Kristus, Kalunga oo te ke ku pangula kEfiku olo, oku li te liholola Yemwene moukalipo woye, oshinima shelifa Ye a udaneka kutya Ye ote shi ningi momafiku aa axuuninwa.

²⁶ Ohandi diladila Mumwatate Price, ongula ei koshiumbululwa, okwa yandja eulikilo lokolonela tai uya, hano e nokupungulula okolonela. Owe shi tyapula? [Eongalo tali ti, “Amen.”—Sd.] Owe shi tyapula lela. Osha li lela, lela ponhele.

²⁷ Paife, onghee dimbuluka, fimbo limwe kokolonela, ashike natu dimbulukeni otu na okupungulula eekolonela edi. Onde di udifa, oshikando shimwe, noku di ifana, *Omashakeneno*. Otwa fika eshakeneno, luhapu, otu nokuya nondjila ei neendjila da yooloka.

²⁸ Paife konguloshi, ominute dishona tadi shikula, onda hala okukufa oshilongwa she—she: *Ewi LEDidiliko*. Ndele paife oshiningwanima shetu osha yeuluka, konguloshi, mEmbo laExodus, naexodus otashi ti “okudja mo; okupitifwa mo.” Paife kendabala okupwilikina nawa ngaashi to dulu.

²⁹ Onda hala oku mu udifila fimbo limwe, omu li engungo liwa, ashike nighi na ewi. Ekondjo linini ashike mulo, ndele ondi shii nhumbi tashi kala. Ondi nokufuda po kaniingholi paife, hanga ahetau ile omafiku omulongo, manga inandi tameka oshiongalele tashi shikula. Uwete, kashi fi ashike oshiongalele shimwe apa. Oshiongalele, efiku nefiku, oshivike noshivike, omwedi nomwedi, omudo nomudo, uwete, ndele lipula.

³⁰ Ndele diladila shoikando aishe, omudo nomudo, inapa kala nale oshikando shimwe Ye a popya sha ashike osha wanenena, oshili lelalela; momalaka aeshe, mounyuni aushe, oikando iheyali. Uwete? Kape nomunhu, kape na sha, ta dulu okupopuya nhumbi sha kala sha wanenena, koshitwa lelalela, oshikando keshe. Ngeenge Ye ta ti shonhumba tashi ningwa, osha ningwa lelalela omukalo oo. Te shi popi oivike neemwedi, nomido, nokuli, manga inashi ningwa, nosha kala alushe sha

wanenena koshitwa. Kape noshikando shimwe sha dopa, noi tashi ka kala, shaashi oo oKalunga. Paife, ohandi dulu okudopa, onga omunhu. Ino tala kuame onga oshihopaenenwa, molwaashi ondi—ondi li ngaashi ove, omulunde ashike a xupifwa kefilonghenda. Ashike oo oKalunga, omunashipwe, uwete, te liholola Yemwene. Ye ke noku shi ninga, ashike Ye okwa udaneka Ye ote shi ningi.

³¹ Jesus okwa velula opo shi wanife po Ondjovo. Ye okwa ninga oinima oyo molwaashi opo Ondjovo yaKalunga i dule okuwanifwa po.

³² Osho Ye te shi ningile nena, opo Ondjovo i dule okuwanifwa po, osho nde mu endululila, onguloshi nonguloshi.

³³ Paife didilika hano ngeenge Oukalipo Waye u li popepi, Otau, Otau eta elinyengo lelalela. Ngaashi nda popya ongula ei, “Kesheshimwe shi he nelinyengo osha fya.” Noukwamhepo wonhumba u he nelinyengo kuwo, shixwepo u u pake, owa fya. Otau eta elinyengo. Ye ote tu nyumuna. Ashike ngeenge otwa nyumunwa, natu dimbuluke Osho she tu nyumuna. Oshike sheshi ninga? Osho Oukalipo wOmhepo Iyapuki, Jesus Kristus mokati ketu, teli ulike Yemwene kutya Ye oku nomwenyo. Ha olutu lokedu; eshi efimbo olo, olutu lokedu tali aluka kEulu, kape na vali efimbo. Osho shi li ngaho. Ndele otu shii kutya omo tu li, tu li momafiku axuuninwa, eshi oinima ei tai kufa ombinga.

Paife, Kalunga oku na nale eexodus. Ope na . . .

³⁴ Kesheshimwe ohashi ende munhatu, naKalunga. Kalunga okwa wanifilwa munhatu. Euyo lotete laKristus, oku *kulila* Omufuko Waye; euyo etivali laKristus, oku *tambula* Omufuko Waye; euyo etitatu laKristus, *n*Omufuko Waye, okupangela mOmileniuma. Kesheshimwe ohashi endele munhatu.

³⁵ Paife, opa kala, tapa ka kala, eexodus nhatu. Imwe yomudo, Kalunga e va eta monguluwato, molwa exodus, okukaama kombada yedu. Oshikando sha shikula, Kalunga e va pitifa *mo mu*—muEgipti. Noshikando sha shikula, Kalunga te va twala *pombada*. Meni, kondje, pombada! Exodus tai shikula okuya pombada. Otwa taalela imwe paife, oshikando shokuya pombada.

³⁶ She lifa onghalamwenyo ya ninga oshinima she lifa. Otwe uya momwenyo, hatu *di* momwenyo, hatu nyumukile komwenyo, oshinima she lifa lelalela. Onghee otu li . . .

³⁷ Oshiningwanima shetu osha yeulkila konguloshi kuexodus, naKalunga okwe lilongekida oku kufa po oshiwana Shaye.

³⁸ Israel oye oshiwana. Kalunga ita longo naIsrael onga handimwe. Israel oye oshiwana, alushe okwa longa navo. Ndele momafiku axuuninwa, konima yo—yokuya kwongeleka, hano Kalunga ota ka xupifa Israel onga oshiwana. Oku li

medu lokeumbo paife, e shi lilongekidila. Otava ka xupifwa, Ombibeli oya ti, "Oshiwana otashi dalwa mefiku." Kalunga ita longo nOvajuda onga handimwe. Ye ota longo navo onga oshiwana, Israel, alushe, molwaashi oye oshiwana Shaye.

³⁹ Ndele apa Ye okwe lilongekida okukufa mo oshiwana Shaye moshiwana, muexodus, ta eta ovanhu Vaye okudja kepangulo.

⁴⁰ Ndele omeva e lifa oo a ninginifa ounyuni, okwa xupifa Noa. Uwete? Ndele Omhepo Iyapuki ye lifa, oyo ovanhu tava anye nena, otai tambula Ongeleka noku I twala pombada, nokueta epangulo mokuhe I itavela. Jesus ta ti.

⁴¹ Eshi ve Mu ifana, "Belsebul," moitya imwe, "Ye okwa li omunyanekeli." Ova . . .

⁴² Ye okwa ti, "Ohandi shi mu dimine po," Omona womunhu. Eyambo kala li la ningwa. "Ashike ngeenge Omhepo Iyapuki te uya okuninga oshinima she lifa, ondjovo imwe omhinge naYo itai dimwa po mounyuni ou nomounyuni tau ya." Oshi noku anyiwa, nokupangulwa hano nedengo konima yasho. Uwete, oupyakadi ofye . . .

⁴³ Osha tula nge momadiladilo ehokololo nda lesha oshikando shimwe, shomushingi woshikepa mukulu tadi mefuta, ndele o—omutoti woitevo omunyasha Omuingilisa okwa li tai kefuta. Noghee omutoti woitevo okwa shanga shihapu kombinga yefuta, ashike ine li mona nale, onghee okwa li e li mondjila yaye. Ndele omongwa ukulu owe mu pula, nokamunino kokangubulila mokanya kawo, tau ti, "Oto i peni, omunhu wange muwa?"

⁴⁴ Okwa ti, "Ohandi i kefuta." Okwa ti, "Inandi li mona nale. Onda shanga kombinga yalo, naashi vakwao va ti, ashike," ta ti, "akutu, onda shambukwa okuushiiva kutya ondi li popepi nefuta." Okwa ti, "Akutu, okunyika edimba lomongwa walo! Okumona ounene walo, omambale matoka taa topa kombada yalo, nevalelwa leulu limbulau tali li ulike lovene, nokuuda ouhanameva ngaashi tava tuka kombada, akutu, onda shambukwa keliudo loku li mona!"

⁴⁵ Omongwa ukulu owa ti, "Onda dalelwa mulo, omido omilongohamano dapita, nighi wete sha shiwa kombinga yalo." UWete, okwe li mona unene fiyo tali ningi longaho kuye.

⁴⁶ Paife oo oupyakadi u na ongeleka yOpentekoste nena. Oya mona shihapu shaKalunga, fiyo Kalunga a ninga wongaho kuvo. Ino efa u shi ning!

⁴⁷ Apa ha nale unene, moLouisville, Kentucky. Omo nda dja, Jeffersonville, Indiana, opopepi nomulonga okudja kulo. Omukainhu okwa li ta ende mofitola yoifilinga omulongo. Ndele okwa (a li) e nokamatyona mokwooko kwaye, nokwa li ta i kovavaluli nokutameka ta kwekwela. Ta toola po sha, teshi ulikile okamatyona; okwa kala ashike omutumba

nokudakamena. Ta i komuvaluli mukwao, nokutoola po sha noku shi ulikila okamatyona; oka dakamena ashike. Ndele konima yefimbo, okwa toola po okangedjo kanini nokuhovela okuka denga, ndele okamatyona oka dakamena ashike. Ndele ta tameke ta kuu, nokunipa Paula omake aye. Ndele ovanhu mofitola yoifilinga omulongo ova li tave mu tale, onghee ova ya kuye va mone kutya oshike sha puka.

⁴⁸ Okwa ti, “Onda... Okamatyona kange,” okwa ti, “oke na omido nhatu adike.” Nokwa ti, “Onda... Ombadilila, hanga omudo wapita, okwa kufa noku kalomutumba nokudakamena momhepo.” Ndele ta ti, “Onde—onde ka twala kundokotola,” ndele ta ti, “ndele ndokotola okwa shanga epango lonhumba naikwao.” Ndele ta ti, “Ndele ndokotola okwa lombwela nge, nena, kutya okwe lipula e li xwepo. Ashike,” ta ti, “ke li xwepo.” Ta ti, “Onde linyengifa kesheshimwe moipafi yako, osho sha wana okunana okamatyona komido daye, elitulemo. Kesheshimwe osho tashi dulu okunana okaana kanini komido daye, onde shi linyengifa moipafi yaye, ndele oku li ashike omutumba nokudakamena momhepo.” Ta ti, “Ke li xwepo.”

⁴⁹ Oshimwe shafa ongeleka yOpentekoste. Kalunga okwe linyengifa oshali keshe, mOmbibeli, moipafi yavo, ndele natango ove li omutumba nokudakamena momhepo, pa fa pena shimwe shapuka. Olo efimbo tu nokupendukeni, ookaume, manga inaku toka. Dimbuluka, Kalunga ite linyengifa eeshali odo kakele Ye ta kendabala okunana elitulemo loye.

Kalunga okwa li ta kufa oshiwana moshiwana.

⁵⁰ Ongaashi Ye ta ningi paife, ta kufa Omufuko mongeleka, ta fii po oshixupe sholudalo lomukainhu. Ovahoololwa otava kufwa mongeleka. Ongeleka yopaushitwe otai fyaala po i pitile momahepeko. *Ovahoololwa* ovo fimbo limwe ohava ifanwa “ovahoololwa, ovahoololwa, oshixupe.”

⁵¹ Natu taleni nhumbi Ye te i ningi hano, molwaashi Ye ina lundulula nale omukalo Waye wokuninga oinima. Kalunga oku na omukalo umwe wokuninga oinima, ndele oo omukalo Ye he i ningi, ndele oo omukalo womondjila, alushe. Uwete nhumbi Ye e i ninga, ndele omukalo Ye e i ninga, ndele hano ohatu mono evilolo lasho.

⁵² Paife, ame omufaafaneki, lelalela. Nghi na sha elongo. Ondi nokutala konima nokumona eshi Ye e shi ninga. Ndele otwa longwa kutya, “Etestamenti Likulu olo omudidimbe woinima oyo tai uya.” Onghee nge onda tale apa ndele nighi wete eke lange, ndele handi mono omudidimbe weke lange, ndele ondi na ominwe nhano, ondi na ediladilo liwa kutya onyala yange oi na, ondi na ominwe nhano. Onghee osho she va ningilwa osha li oshihopaenewa shanhumbi Kalunga ha ningi oinima, omukalo Ye te i ningi paife.

⁵³ Ndele omukalo Ye he i ningi, Ye ina lunduluka kuwo. Efimbo keshe, Ombibeli aishe, Ye ina lundulula omukalo Waye wokuninga oinima. Shatwikilafana she lifa, molwaashi omukalo Waye wotete woku i ninga omukalo wa yuka. Molwaashi, Ye ke na omukalo umwe, molwaashi Ye okwa yuka, ndele, Ye, omikalo Daye adishe oda yuka. Tala nhumbi Ye te i ningi.

⁵⁴ Moses okwa ifanwa nokwa nuninwa okukufa oshilonga eshi a li, e na—e na okukufa. Kalunga...

⁵⁵ Paife, ohandi diladila, nge owe shi litulile... Itandi popi oulai. Ohandi popi ashike, komesho oku, nighi—nighi shii sha ndele inandi hala okushiiva sha kakele Kalunga. Paife, ohandi diladila kutya opo Odula Yokomusheko yetu ya lumbakanekwa vamwatate, uwete, ohava tenhekafana omake nokuva ninga ovaxunganeki nosho tuu. Paife, osho kashi fi Pamushangwa. “Eeshali nomailano kae na sha nelidilululo.” Owa dalwa keshe osho u li. Ou li, pehovelo, osho u li.

⁵⁶ Tala kOvafarisai momafiku a pita. Ova li ashike nokauyelele kanini, molwaashi otava dulu... ve na omhang, nova xupa pamhang, ashike mwinya momutima davo omwa laula ngaashi tashi dulika.

⁵⁷ Ndele opa li omukainhu munini, ombwada, okupe kwaye... manga ine yomwenyo *apa* owa li ulaula ngaashi tashi dulika, okwa li ta valukwa, ashike mwinya momutima waye okwa nuninwa kOmwenyo.

⁵⁸ Ndele hano eshi Jesus, Ondjovo, ye u ya poshiningwanima, Ovafarisai ovo ova ti, “Omulumenhu ou oye Belsebul.” Oya ninga shike? Oya dima po okauyelele va li ve na.

⁵⁹ Jesus okwa ti, “Nye omu na xo yeni, omunawii, noilonga yaye otamu i longo.”

⁶⁰ Ashike eshi ou munini, omukainhu a nyata e uya, nokumona Ondjovo yaKalunga, oku I shii. Ine I xupa, ashike oku I shii. Ndele diva ngaashi Ye mu lombwela, okwa ti, “Ondi wete kutya Ove Omuxunganeki.” Ndele Ye... Okwa ti, “Ondi shii kutya Messias ote ke shi ninga.”

Ndele Ye okwa ti, “Aame Ye.”

⁶¹ Oya ninga shike? Oya yeleka po omilaalu noku di tokeka. Omolwashike? Opa li onhi, onhi yanunwa oyo ya li mo... Osha li omadiladilo aKalunga manga ediko lounyuni.

⁶² Ope na olupe limwe alike lOmwenyo Waalushe. Nge ou na Omwenyo Waalushe, hano ove mwene owa li momadiladilo aKalunga manga ounyuni inau shitwa. Ove oukwatya womadiladilo Aye, shaashi Oukwaalushe kau na ehovelo ile exulilo. Ove oshitopolwa sheliko laKalunga, alushe. Otashi unlike. Otashi ya paife. Ove na efano limwe okueta po, olo efyo, hano owii wa ninga ouwa, hano ou li mOmufuko nopamwe

naKristus, ngaashi Ye a diladila. Ngaashi omulumenhu nomwalikadi, nena, osho yo (Kalunga) Kristus nOngelaka tava kala ve lifa. Paife, ovahoololwa, va ifanwa!

Moses okwa dalwa, “okaana kawa.” Ombibeli osho ya ti.

⁶³ Umwe womovaxunganeki, Jeremia. Kalunga okwa ti, “Manga ino shitilwa moshidalelo shanyoko, Onde ku ninga omuxunganeki koshiwana.”

⁶⁴ Johannes Omushashi, omolwashike, a didilikwa mOmushangwa. Jesaja, omido omafele aheyali nomulonganambali manga euyo laye, ta ti, “Oye ewi lanakuwingida mombuwa, ‘Longekidileni Omwene ondjila!’” Ndele lwomido omafele anhe manga okuholoka kwaye, otwa mona natango, Malakia okwa ti, “Taleni Ohandi tumu omutumwa Wange komesho Yange, okulongekidila Omwene ondjila.”

⁶⁵ Uwete, okwa nunwa. Nonghee adishe odo eembelewa daKalunga, nge ova ifanwa vaKalunga.

⁶⁶ Nge ova longelwa mo, okataleko ashike, uwete, itashi kala sha. Nge okatekete kokulya, hano owa landifa po oushivel woye nokatekete kokulya, oto lipopile okuya pamwe nehangano ile ongudu yonhumba. Ashike nge oshaKalunga, oto fikama pOndjovo oyo, shihe na ko, molwaashi owa dalwa okufikama puyo.

⁶⁷ Moses, kape na umwe elili ta dulu okukufa po onhele yaye. Kape na umwe elili ta dulu okulonga oshilonga. Okwa nuninwa oku shi longa.

⁶⁸ Ndele, mumwatate, mumwameme, nge ou na Omwenyo Waalushe, owa nuninwa okulonga oshinima shonhumba. Pamwe omwalikadi womeumbo, pamwe oshimwe shilili, ashike kape na umwe elili ta dulu okukufa po onhele yoye. Kalunga okwe ku ningila onhele. Ino kendabala okukufa po onhele yaumwe elili. Oo omahepaeneno opambelela, uwete, taa ulike kutya ope na sha shapuka muove. Kala osho u li, naana. Ino kala shimwe shilili.

⁶⁹ Paife, otwa mona kutya Kalunga okwa pa Moses omadidiliko okukoleka omalityo nomeafano.

⁷⁰ Ndele keshe edidiliko lashili, keshe edidiliko lashili, olo la dja kuKalunga, e...oli na ewi konima yalo. Paife ino dopa. Eshi oshilongwa shange shaxuuninwa muashi, uwete. Keshe edidiliko lashili...Paife otu na omadidiliko oo inaa dja kuKalunga; Satana konyala oha dulu okuhepaenena kesheshimwe shi li po. Ashike edidiliko lashili, la dja kuKalunga, oli na ewi laKalunga konima yalo.

⁷¹ Kalunga okwa lombwela Moses, “Nge itava itavele ewi ledidiliko lotete, hano ninga edidiliko likwao eli moipafi yavo. Ndele hano nge itave li udu, kufa omeva noku a tila pedu.” Naalo ola li edidiliko opo va tutikwe mohonde yavo vene.

⁷² Didilika, ndele oshe lifa ngaashi Ye a ti, “Lipupuleni ondwi keemhadi deni. Otashi ka kala shixwe pokuSodom naGomorra, efiku olo, shi dule tashi kala oshilando osho she mu anya.”

⁷³ Paife itatu dana Ongelaka. Ei *oyo* Ongelaka. Kristus oye Ongelaka. Otu li muKristus. Olutu laKristus li hewetike, otwa dalwa muLo. Ito dulu oku Li djoina.

⁷⁴ Onda kala nepata laBranham konyala omido omilongo nanhano, ndele inava pula nge nande okudjoina epata. Onda dalwa Omubranham.

⁷⁵ Ndele oo omukalo u li Omukriste. Owa dalwa Omukriste, ino djoinwa muo. Owa dalwa muo. Kesheumwe okwa tila edalo. Ove na omukalo umwe muwa uyela wokukufa eke linini, ile okushaina okakalata kanini, ile okushukashuka omongwa nomeva mulo. Kali fi edalo. Edalo olo oshinima shii. Edalo olo o—oshinima shii. Nghi na konasha nge oli li moshinyongo shoshingulu, ile o—ile oshikuku, ile omonduda yoshipangelo ya wapalekwa nopinki; edalo olo onyata, notali ningi onyata muove. Ino hala okuefa, ino hala *eshi, shinya*, ile *shikwao*, ashike omahodi otaa kosho ko ondomo koshipala shoye noku ku ninga omunhu a yooloka. Nge owa dalululwa, otali ningi onyata muove, ashike oto di mo omushitwa mupe. Uwete? Inave li hala. Ova hala ondjila ipu, ou weteko, ndele kape neendjila dipu. Ngaashi eimbilo, okwa ti, “Ohandi kufa ondjila novadinwa va shona vOmwene.” Ina hala okukala omudi ulula

Keshe edidilikko lashili laKalunga ola shikulwa kEwi laKalunga.

⁷⁶ Paife nge omunhu okwa yandje edidilikko moshilongo, ile efimbo keshe, ndele ewi olo la popya konima kali fi Ondjovo yaKalunga, hano li tala, ino li itavela. Nge ofikola ikulu yonhumba, nge omunhu okwe uya nokutya, ta ulike edidilikko la dja kuKalunga, ndele hano elongo lomunhu olo outeolohi mukulu wa kala u na omido adishe edi, Kalunga ina tuma nande edidilikko olo. Tala konima mOmushangwa nokumona nge osho la li. Konakona Omushangwa. Omunhu okwa aluka, ndele ta ti, “Paife atushe otwa hala okudjoina *ngaha*. Osha kala oshipambele shikulu sha totwa po.” Ino shi itavela. Ohatu ka ya musho, mominute dishona, uwete. Ahawe, ino shi itavela.

⁷⁷ Kalunga alushe oha shilipaleke omadidilikko Aye. Edidilikko la dja kuKalunga alushe otali popi Ewi laKalunga.

⁷⁸ Ndele nge ofikola ikulu ye lifa u na, omolwashike Ye ta yandjele edidilikko, u li nale mulo? Ye ota kendabala oku ku tula kokolonela oyo. Edidilikko lokukangham! Enda kashona! Tala oku wa finda! Oto likupula mwene kokolonela nge ito tale. Ope na ongenu ya twa, noi li alushe edidilikko manga ino ninga ongenu ei, oku ku keelela

kokuhanauka. Ovatungi vondjila vawa ohava yandje edidiliko. Ndele ohatu ende nondjila yokuya kOShinge. Ndele nge edidiliko otali popi oshinima shikulu she lifa, inali dja kuKalunga.

⁷⁹ Kalunga okwa yandja omadidiliko okunana elitulemo lovanhu Vaye. Omadidiliko okunana elitulemo lovanhu vaKalunga, omadidiliko aKalunga osho e li. Omadidiliko aKalunga okwa yandjwa okunana elitulemo lovanhu vaKalunga.

⁸⁰ Paife apa oshixwa sha xwama osha li edidiliko okunana omuxunganeki, okukendabala, molwaashi omuxunganeki okwa faduka po Kalunga, ndele Kalunga okwa yandja oshixwa sha xwama molwa edidiliko. Ndele okwa mona edidiliko eli likumwif; okwa ti, "Ohandi punguluka nokutala nhumbi edidiliko eli lili, kutya o—oshixwa oshi li momundilo ndele itashi lungwina." Paife Kalunga okwa li ta nane elitulemo lomuxunganeki Waye a faduka po. Ye ota dulu okukala e na mukwao, ashike Ye okwa nangeka Moses molwa oshilonga ndele kape na umwe elili ta kufa po onhele yaye.

⁸¹ Molweendo, vakwao ova kendabala oku shi ninga, ou weteko. Datan okwa fikama nokwa hala okuninga ehangano mulo. Kalunga okwa lombwela Moses, "Liyooolola ko mwene. Ohandi va pona po." Uwete?

⁸² Kalunga oha ungaunga nahandimwe. Uwete? Paife shi didilika, Ye okwa li ta kendabala okunana elitulemo lomuxunganeki, okutula omuxunganeki monhele yaye yomondjila, uwete, ndele Ye okwa yandja edidiliko loshixwa sha xwama.

⁸³ Ndele, tala, Ewi olo la shikula edidiliko ola li Ewi Pamushangwa. "Onda uda okulila kwovanhu Vange, nokukema kwavo, molwa ovafininiki, nOnda dimbuluka eudaneko Lange." Amen. Osha pwa. "Onda dimbuluka eudaneko." Ola li Ewi Pamushangwa. "Ndele Ame ohandi ku tumu ko. Onde uya poshi oku va mangulula, ndele Ame ohandi ku tumu."

⁸⁴ Dimbuluka, Kalunga iha ningi sha kondje yomunhu. Ou shi shii? Osho hashi pundula ovanhu. Uwete?

⁸⁵ Osho she va pundula kombinga yaJesus. Ova ti, "Ove Omunhu, to liningi mwene Kalunga." Ye okwa li Kalunga, ashike inave shi udako. "Iya, Ove, u li ashike Omunhu."

⁸⁶ Ye okwa ti, "Iya, omwa ifana ovaxunganeki, 'ookalunga,' nomhangi yeni oye shi dimbulula. Ndele nge omwe va ifana 'ookalunga,' ovo Ondjovo yaKalunga ye uya kuvo, otamu tokola Nge ngahelipi eshi Handi ti Ame Omona waKalunga?"

⁸⁷ Uwete, omadidiliko, okunana elitulemo. Ndele, dimbuluka, nge elitulemo ola nanwa noshi li omufinda mukulu we lifa, kashi fi Kalunga.

⁸⁸ Ashike Kalunga ota kendabala okunana omuxunganeki paife, ndele Ye ote mu pe edidiliko, nEwi olo tali shikula edidiliko ola li Ewi Pamushangwa. “Onda mona ovanhu. Onda uda okulila kwavo. Onda dimbuluka eudaneko Lange.”

⁸⁹ Paife Kalunga ota ka popya novanhu paNdjovo Yaye ya udanekwa. Ye oku noku tuma omuxunganeki Waye, osheshi Ondjovo ohai uya komuxunganeki. Ombibeli oya ti, Kalunga okwa ti, Yemwene, kutya, “Ye iha ningi sha nafiyo Ye te shi hololele ovapiya Vaye ovaxunganeki tete.” Uwete? Ndele hano, edidiliko ola yandjwa, nOmushangwa owa dimbululwa, olo Ewi ledidiliko.

⁹⁰ Uwete edidiliko lEwi, laMoses? Tete, edidiliko ola li oshixwa sha xwama; Ewi ola li Omushangwa.

⁹¹ Moses okwe li kufa onga edidiliko Laye, nokwa ya kuEgipiti nokuninga edidiliko Kalunga e mu lombwela; nedidiliko oli na Ewi kulo, novanhu ova itavela nova dja mo. Ndele shima tava nyanye, ova ninga nawa; ashike eshi va hovela okungongotela Ewi, hano ova kanghama.

⁹² Dimbuluka, Ovaisrael ova enda. Ou shii omukokomoko aushe va enghena ko? Ova kala ve...Ova li eemaila omilonganhe adike, nokonyala omido omilonganhe oku shi pondola. Omolwashike? Omolwaashi ova hovela okungongotela Ewi olo la eta po edidiliko. Okanini ngahelipi ve shii, eshi va li tava ingida komituni, nokututula mOmhepo, ndele Moses ta imbi mOmhepo, ova li omafiku mashona aeke okudja ko. Ashike ova hovela okungongota, nova hala okuninga sha sha yooloka; ndele ova kala omido omilonganhe mombuwa, nokukanena mo, oshi li mondjila, molwaashi inava itavela. Kalunga okwa ti, “Itava popi omhinge naave, Moses. Otava popi omhinge nAame.” Ola li Ewi laKalunga, ha Moses.

⁹³ Paife tala, Jehova ota ka popya paNdjovo Yaye ya udanekwa, onghee Ye oku noku tuma ovaxunganeki Vaye. Kutya, nge omwa hala oku shi mona, oshi li muGenesis 15:16. Otwa mona kutya Kalunga okwa lombwela Abraham, “Oludalo loye otali ka endaenda medu eli lovanailongo, ndele Ohandi va pitifa mo nokwooko kweenghono. Owii wOvaamoni inau wana.” Omaudaneko aeshe Aye oo Ye a yandja, apa Ye ota nane omuxunganeki, pashixwa sha xwama.

⁹⁴ Paife ngeno oshixwa sha xwama osha tile, “Moses, Kalunga oye Kalunga.”

“Heeno, onde shi itavela.”

⁹⁵ “Akutu, oto ningi nawa, Moses, twikila ashike. Owa hombola omukainhu muwa; ye okaana kawa lela. Shoshili e na omonamatii muwa! Efimano kuKalunga!” Oyo ofikola ikulu ye lifa. UWete?

⁹⁶ Ashike Ye okwa li e lilongekida okuninga sha, onghee Ye oku na okunana omulumenhu. Ndele Ye okwa pa omulumenhu omadidiliko avali okuninga, ndele ta ti, “Edidiliko keshe oli na Ewi.” Otashi koleke kutya osho. Paife tala kuasho Omawi a popya, nokuli eshit. Jehova okwe lilongekida okupopya paife.

⁹⁷ Natango, okuuya kwomuxunganeki oko edidiliko. Ou shi shii? Okuuya kwomuxunganeki, komudo, oko edidiliko.

⁹⁸ Paife, itandi ti Ondokotola Youkwakalunga. Itandi ti omufitaongalo mudiinini, omunhu wonhumba muwa. Vo ovawa. Vo ovapiya vaKalunga.

⁹⁹ Ashike omuxunganeki oye edidiliko. Ombibeli osho tai ti apa. Ndele edidiliko olashike? Edidiliko kutya Ondjovo Yaye oi li pokuwanifwa, i wanifwe kEwi ledidiliko lomuxunganeki ou.

¹⁰⁰ Didilika, okuuya kwomuxunganeki oko edidiliko lelondwelo lepangulo la fika. Ou shi shii? Epangulo oli li pokudenga nge ope na omuxunganeki moshilongo.

¹⁰¹ Dimbuluka, oku na lelalela, tete, okukala a shilipalekwa kuKalunga nokOndjovo yefimbo olo, ndele hano ta ningi edidiliko. Ndele hano tala edidiliko olo, osho a tengeneka. Ye okwa ti, “Nge ola wanifwa, hano mu udeni.” Numeri 12:6. “Nge inashi wanifwa, shi dimbwa.” Oli nokukala edidiliko Pamushangwa olo Ye a yandja.

¹⁰² Naashi Ye a yandja molwa edidiliko, oshikando shimwe, nge Oye okwe lifa onghela, nonena, nofiyoalushe, Ye ote liyandje shatwikilafana she lifa. “Ondjovo yOmwene ohai uya kovaxunganeki.” Ova li Ondjovo. Ndele eshi Jesus e uya, Ye okwa li Ondjovo. Ndele Ondjovo oya konakona omadilongo noiholekwa yomitima, shatwikilafana, komesho nokomesho. Paife tala.

¹⁰³ Okuuya kwomuxunganeki ou, okwa yandja edidiliko, le, “epangulo ola fika,” alushe.

¹⁰⁴ Natu kanghameni ominute dishona. Itandi kwata olule unene. Natu tale kuimwe paife, hanga ominute omulongo. Ndele etumwalaka alishe, shapo, ominute omulongo.

¹⁰⁵ Noa, omuxunganeki moshilongo—moshilongo, edidiliko lokuuya kwepangulo. Moses, omuxunganeki moshilongo, edidiliko lokuuya kwepangulo. Elia, omuxunganeki moshilongo, edidiliko lokuuya kwepangulo. Johannes, omuxunganeki moshilongo, edidiliko lokuuya kwepangulo kuIsrael; ova tetwa ko lelalela.

¹⁰⁶ Didilika, edidiliko! Edidiliko ohali ningi shike? Edidiliko okunana elitulemo, nokulongekida ovahoololwa, nokudja mondjila manga epungulo inali fika. Noa osho a ninga, a longekida ovahoololwa. Naaveshe vomuvo, nohali ningi shike? Edidiliko, nEwi ledidiliko, ohali tokola omuheneitavelo noku

mu longekidila epangulo. Ohali longekidile ovahoololwa ekukumo. Edidiliko osho lili. Omadidiliko osho a yandjelwa, molwepangulo tali uya. Kovahoololwa, ove li wete.

¹⁰⁷ Ngaashi omukainhu munini e nomutima wa yela, nolutu la nyatekwa; nOmufarisai e nolutu li yela, nomutima wa nyatekwa. Otali tokola umwe, nokuxupifa mukwao.

¹⁰⁸ Epangulo naana olo la xupifa Moses, la tokola ounyuni; eudifo laye.

¹⁰⁹ Ohali longekida ovahoololwa. Ovahoololwa ove lilongekidila shike? Ngeenge va mono edidiliko laKalunga la tumwa, ohava talulula mOmushangwa nokutala nge olo li li mo. “Heeno, ole li.” Oshikwa shike? Epangulo lili po. Hano ovahoololwa ohava pwilikine kEwi.

¹¹⁰ Ashike ava inava hoololwa oha ve lidimbiye, ndele tava ti, “Oipopolo. Twikila! Ohatu kufa ofikola ikulu ye lifa.” Uwete? Osho va ninga momafiku aLuther. Osho va ninga momafiku aWesley. Osho tava—tava ningi paife, osho va ninga alushe.

¹¹¹ Ashike olo edidiliko, noli na Ewi olo la shikula edidiliko. Ndele Ewi ola didilikwa onga Ewi Pamushangwa. Paife ino shi dimbwa. Paife shi efela mo, molwaashi pamwe itandi ke ku mona vali.

¹¹² Onda hala ngeno ondi nomukalo handi dulu okuuya noku kufa ovamwatate vange aveshe, ngeenge ve he na omapapuduko a twikila, okudika po etwali nokukala omutumba, efiku nefiku, noku shi longa fiyo—fiyo sha ningina mo lela. Ashike Ye ita pitike nge, nighi shi wete. Uwete, otu li popepi nexulilo. Onda itavela otu li lela pexulilo paife.

¹¹³ Mwinya membo lange, omo handi shange. Mo1933, ongula imwe, onde lilongekinda okuya kofikola Yosoondaxa, ofikola Yosoondaxa yObaptiste oko nda li omufitaongalo, Omhepo Iyapuki oye uya noku ulikila nge fiyo okexulilo lefimbo, noku ulikila nge oinima iheyali oyo tai ka ningwa. Onde i didilika. Oi li mombapila ikulu ishunga.

¹¹⁴ A lombwela nge lelalela nhumbi Ndowishi ta ka tunga Omufinda Wosiegfried, nonhumbi Ovaamerika tave ke u kufila edengo linene, omido omulongonaimwe manga o—omufinda inau tungwa.

¹¹⁵ Ta ti nhumbi Mussolini te uya, nonhumbi ta i kuEtiopia, nonhumbi Etiopia ta “wile peenghatu daye.” Ndele ta fi mohoni, a taaleifwa poshi, novanhu vaye mwene tave mu fiile omate.

¹¹⁶ Ndele onda ti, “Ope na eeisms nhatu; Oucomunis, Ofascism, nOnazism. Aishe otai hengumuka okudja moRussia, mOucomunis.” Ndele otashi hanauna Oukatoolika. Tala nge itau hanaunwa!

¹¹⁷ Onda ti, “Etwikilo latya ngaho otali kufa ombinga!” Onda ti, “Ondi wete eetuwa tadi monika dafa ei, tadi ende

mepandavanda. Ope na eetuwa dili koitauwa, nekondololo loludi lonhumba, kave na okudi wilika. Ondi wete ovaneumbo Ovaamerica tava dana owela konima youtuwa.” Otuwa ovei na paife ngaha, nge ove na oitauwa okui tula ko. Ovalkswagen inini oyo ei lela, naana, nosho shi li eetuwa dikwao. Iho lipula, mo1933, nhumbi eetuwa da kala hadi monika, fiyo opaife?

¹¹⁸ Ndele hano Osha tengenekwa natango, kutya, okupitika ovakainhu va hoolole, nosho tava ningi. Nonhumbi oshilongo eshi, shi li olupe, nghaashi Israel, e uya medu noku ta mo ovakalimo, nokufyuulula edu. Neehamba dishona dotete va li ve na, David naSalomo, ova li eehamba hadi tila Kalunga. Konima yefimbo, ova mona Ahab poshiningwanima. Ove mu hoololela mo. Oshipundi ashishe osha...ongeleka oya ya paunyuni. Ndele, otu na Lincoln noWashington, tala nhumbi shi li nena. Tala oku twa finda paife. Sha shikula ko oshilipi? Otu li pexulilo lefimbo.

¹¹⁹ Ndele olo edidiliko, moushitwe, naana. Otali longekida ovahoololwa; nokutokola, okupangula, omuheneitavelo.

¹²⁰ “Nge omuxunganeki ou oye omuxunganeki washili, naashi ta popi tashi wanifwa,” Ombibeli oya ti, muNumeri 12:6, “udení elondwelo laye, osheshi ola shilipalekwa ha omunhu.” O—omuxunganeki oye omunhu. Ashike Ewi la dja kedidiliko loshipwe olo Ewi lOshipwe, ola shilipalekwa, hano olo elondwelo.

¹²¹ Ombibeli oya shangwa kovaxunganeki, dimbuluka. MuPetrus Omutivali, yo, 1:21. MOvaheberi 1:1, yo.

¹²² Oluudi lOmundilo, kuMoses, ola li edidiliko, Ewi otali ka popya. Oluudi lOmundilo ola ulika kutya Ewi otali ka popya. Olo edidiliko, Oluudi lOmundilo. Ovanhu nye omwa wana okushi dimbuluka okudja koHouston, ha nale unene.

¹²³ Moses, omuxunganeki, edidiliko kuIsrael, kutya eudaneko ola li pokuanifwa. Eshi Moses e uya nokuninga edidiliko lomuxunganeki, ova shiiva hano lela kutya ote va ongele kumwe.

¹²⁴ Ondjovo yaKalunga oya wana ngahelipi melandulafano, efimbo keshe ye lifa. Nokuli ngaashi nda ti onguloshi ya dja ko, nhumbi Urim Tummin, nakesheshimwe, alushe ohashi nyamukula kuKalunga.

¹²⁵ Natu kufeni natango omuxunganeki, okafimbo ashike, Jona. Ondi na ekapiteli lo1 laJona la shangwa apa, ekapiteli lo1 apa lexunganeko laye. Jona okwa dja medimo loshikwameva, osha li edidiliko. Uwete, ovanhu ovali ovapaani. Ohave linyongamene oikalunga yefuta, noshikalunga shefuta shavo osha li oshikwameva.

¹²⁶ Paife ovanhu vahapu otava kendabala okutokola Jona. Alushe ohandi kufa Jona. Jona kali kondje yehalo lOmwene. “Eenghatu domuyuki ohadi wilikwa kOmwene.” Otwa hala

okutya, "Oye Jona." Ashike natu shi kufei ko... osho sha wana, pakafimbo. Ondi shi shii kutya okwa li a wana okuya kuNinive, ashike Kalunga okwe mu ninga a kufe oshikepa a ye kuTarsis. Ndele Ye oku noupyakadi okuya mefuta.

¹²⁷ Jona okwa ti, "Mangeni omake ange neemhadi. Aame ndi li moupyakadi, ou nde u etifa." Noku mu ekela mo. Ndele oshi oya li tai yoo momeva, oshi inene oyo ya pona po Jona. Ondi shi shii kutya oshidjuu komunonganoni okuitavela.

¹²⁸ Apa ha nale unene, moLouisville, Kentucky, konyala omido omulongo dapita, ove na o—oshikwameva sha nangala ko—kotuwa yayalala. Nopali Ricky wonhumba munini, e na eendunge dihapu di dule ta dulu okukondolola. Okwa li ta kendabala okuninga Ombibeli tai fufywa. Okwa ti, "Ou weteko, owa uda eyeletumbulo elo lOmbibeli yonale, kutya oshikwameva osha pona po Jona." Okwa ti, "Tala, ito dulu okutula etanga momunino washo, ou shona unene. Ongahelipi omunhu a kula tai medimo lasho?" Ta ti, "Ou wete, eyeletumbulo ashike lonale, ngaashi Ombibeli i a yadi."

¹²⁹ Osha li shihapu kokudiladila kwange—kwange. Onda ti, "Omufimanekwa, onda hala okutya sha apa."

Ta ti, "Ou na shike okutya?"

¹³⁰ Onda ti, "Ou wete, ino lesha nawa Ombibeli." Onda ti, "Ombibeli oya ti kutya eshi osha li oshikwameva shelikalekelwa. 'Kalunga a longekida oshi yakula.' Ei oya tungwa shelikalekelwa, oku mu ponifa po, osho she i shi ningifa! Ka ya li oshi yongaho. Kalunga okwa li ta ka longa oshilonga inashi ikililwa, onghee Ye oku na oshi inai ikililwa." Uwete? Ina tyu sha vali kombinga yasho hano. Onghee, osho, Kalunga oku na oshinima shelikalekelwa.

¹³¹ Ngaashi okakadona, oshikando shimwe, taka di ketwaliongalo; eexwiki dako dinini da fulilwa konima, da peemwa, shawana fiyo oshipala shako tashi monika sha fa onyanga ya yuunwa. Okali ashike ke nOmbibeli, taka ndaungile.

¹³² Omulumenhu ou akulupa wedina Jim Dorsey ha kala koUtica. Okwa li omukaitavela, omukwaita mukulu, ndele—ndele ina itavela muKalunga. Ndele okwa ti, "Oto i peni, munyasha omukainhu?"

Oka ti, "Ohandi i keumbo, omufimanekwa."

Ta ti, "Oshike osho wa kondoveka mokwooko kwoye?"

Oka ti, "Ombibeli."

Ta ti, "Ino i itavela, owe i itavela?" Ndele ye . . .

Ta ti, "Eheno, onde i itavela, omufimanekwa."

¹³³ Ndele ta ti, "Owa itavela ehokololo lili mo kombinga yoshikwameva sha pona po Jona?"

Ta ti, “Omolwashike, oshoshili, onda itavela Ondjovo keshe yayo.”¹³⁴

¹³⁴ Okwa ti, “Oto keshi koleka ngahelipi omukalo ulilile ponhele yeitavelo, eshi ho ifana eitavelo?”

“Omolwashike,” okwa ti, “ngeenge nda i kEulu, ohandi ka pula Jona.” Uwete?”

Okwa ti, “Hano ngeenge ke ko?”

¹³⁵ Oka ti, “Hano ou na oku mu pula.” Onghee onde lipula kutya osha yukilila lela nawia. Onghee ohandi diladila kutya oshi li hanga mondjila.

¹³⁶ Nge Ombibeli oya ti kutya Jona okwa pona po oshikwameva, ohandi shi itavele. Ye ote shi longekida. Osho Kalunga a ti, Kalunga ote shi longo, naalushe Ye oha diinine Ondjovo Yaye. Onghee, Jona, ohatu mu ningi oiyolifi . . .

¹³⁷ Ashike owa didilika nale oshi ngeenge tai yoo? Ohai kongo oikulya yayo. Ndele nge tai li, ohai i lela koshi noku xwananeka oyoifo yayo inini koshi. Tekula oshi yoshingolodo yoye nokutala eshi tashi ningwa po. Otadi kutifa oudimo vado, hano tadi i koshi nokutula oyoifo yado ya yukilila koshi, nokunangala oko nokufuwa po.

¹³⁸ Iya, oshi ei yakula ya longekidwa oye uya nokupona po omuxunganeki ou. Nokwa ya koshi yefuta, napamwe oule weefatom omilonganhe. Okwa ya lela koshi, oku ke lifuwifa po koshi yefuta.

¹³⁹ Paife alushe ohatu lipula kombinga yaJona. Ndele kesheumwe ota ti, “Paife onda ilikanenwa, ashike eke lange kali li xwepo. Onda ilikanenwa, ashike nighi udite xwepo.” Ino ingida Jona.

¹⁴⁰ Paife tala komadidiliko a li e na. Paife, shotete, okwa li mefuta loshikungulu, nokwa li kokule shaashi kutya Kalunga okwe mu tuma. Omake aye neemhadi daye da mangwa. Okwa ekelwa moshikungulu, efuta la pindjala, noshikwameva oshe mu pona po noku ka ota koshi yefuta. Nokwa li a nangala monghungo, medimo loshikwameva, omanenge omefuta a dingilila ofingo yaye. Ndele nge okwa tale *oku*, osha li edimo loshikwameva. Okwa tala *kwinya*, osha li edimo loshikwameva. Keshepamwe a tala, osha li edimo loshikwameva. Oto popi kombinga yoshinima shomadidiliko, pamwe okwa li e a na. Ashike ou shii eshi a ti? Okwa ti, “Oo oipupulu yongaho. Itandi tale vali kuo, ashike natango vali ohandi tale kotembeli Yoye iyapuki.”

¹⁴¹ Osheshi, Salomo omunhu wopaushitwe wokedu, ou a ilikana mokunangeka otembeli, ta ti, “Omwene, ovanhu Voye ngeenge veli moupyakadi apeshe, nokutala konhele ei iyapuki, hano uda mEulu.”

¹⁴² Ndele Jona okwa li neitavelo muashi Salomo a ilikana. Ndele Kalunga okwe mu mangulula koshikwameva, konima yomafiku atatu nomaufiku. Ota dulu okutula mo etwali lomhepo yokufudila mo. Nghi shii eshi Ye a ninga, ashike Ye okwe mu kaleka nomwenyo omafiku atatu nomaufiku, paNdjovo. Ndele Ondjovo oi li mondjila.

¹⁴³ Iya, nge Jona, koshi yeenghalo odo, a dula kutala ketwalionganolo olo omunhu a ninga, oshihapu shidule ngahelipi ove naame, konguloshi, okutala kOtembeli oko Jesus a fikama kolulyo lEenghono, nOhonde Yaye Mwene, ta ilikanene oukalipo wetu, moudidilikovetu! Ino tokola Jona, nokutala hano eshi shapuka muove. Tala keudaneko, “Kalunga osho a ti!” Nge ove okaana kaAbraham, “Kalunga osho a ti!” Ye okwa ninga eudaneko, nosha pwa.

¹⁴⁴ Didilika, ovanhu aveshe ova li tava yulu eeshi, nokushila eenete davo naikwao. Konima yefimbo, ope uya oshikalunga shefuta, oshikwameva, tashi lishilile komutuni. Kesheumwe okwa wila keengolo daye. Kalunga oku shii nhumbi ta ningi oinima. Ndele osha ya komutuni nokuyeda mo elaka lasho, ndele, eshi she shi ninga, omwa dja omuxunganeki ta ende ta di mokanya koshikwameva. Omuxunganeki! Oshikalunga sha fiila shi omuxunganeki komutuni. Kape nonghumwe ve lidilulula. Uwete?

¹⁴⁵ Ola li edidiliko. Jona a fikifwa koshikwameva, osha li edidiliko. Okwa ninga shike? Ola li edidiliko la dja kuKalunga. Ewi ola ti shike? “Lidilululeni ile kaneni, momafiku omilonganhe.” Edidiliko laKalunga; Ewi laKalunga! Alushe, ngeenge Kalunga a tuma edidiliko, Kalunga oha tumu Ewi Laye konima yedidiliko olo. Didilika, “Lidilululeni, ile momafiku omilonganhe oshiland oshi ashishe otashi kana.”

¹⁴⁶ Eholoke po lomuxunganeki Johannes kedu, konima yomido omafele anhe pehe nomuxunganeki; edidiliko konima yomido omafele anhe, leholoke po laye. Efimbo linini lokuhayaval!

¹⁴⁷ Paife nge ou li pamhepo oto kwata eshi handi popi. Kalunga na patulule eudeko loye. Osha kala olule ngahelipi!

¹⁴⁸ Omido omafele anhe, Israel e he nomuxunganeki, eengeleka oda ngolyauka unene, ndele hano Johannes okwe uya poshiningwanima. Johannes okwa li omuxunganeki, edidiliko kutyua Messias ota ka popya konima yaye. Tala. Molwaashi, Malakia 3 okwa ti, “Ohandi tumu Omutumwa Wange komesho Yange, okulongekida ondjila, a longekide ovanhu.”

¹⁴⁹ Tala kuJohannes, kamu na okuliholamwene myue. Ina kufa nande efimano. Ova kendabala oku mu ifana Messias; ashike okwa ti, “Inandi wana okuditula eenghaku Daye.”

¹⁵⁰ Ashike diva eshi Jesus a holoka, Ye oku na edidiliko, Oluudi lOmundilo, Ouyelete kombada Yaye, ngaashi onghuti ya kuluka Ewi tali ti, “Ou Omona Wange omuholike, Ou Nda hokwa.”

¹⁵¹ Didilika, ndele Johannes divadiva okwa ti, “Ye oku na okunenepala. Ondi na okuninipala.” Ye okwa yandja Ongeleka kuKristus. Amen.

¹⁵² Otwa lombwelwa kutya, momafiku axuuninwa, otashi li endulula natango! Otape ke uya Etumwalaka, olo tali ka hokolola Messias kovanhu. Ndele otashi kala momukalo, tava fikama va kanghwa ngaashi va ningile hano. Ye okwe shi udaneka. Ekapiteli tali shikula laMateus, laMalakia, otali shi tu lombwele. Tala.

¹⁵³ Ove shi pula. Oushitwe waJohannes owe mu didilika momhepo yaElia. Paife didilika ovaxunganeki vavali.

¹⁵⁴ Paife, Elia okwa li omulumenhu ou e uya po mefimbo laIsrael, mengwangwano.

¹⁵⁵ Ahab okwa li ohamba. Ndele ovakainhu aveshe ova sheka Isabel, ndele tashi dulika omutwe wakululwa onghwele nakesheshimwe, tashi dulika ngaashi tu na nena. Ndele aveshe ova shikula Isabel. Ndele ovafitaongalo ove lipula, “Oshi li ashike nawa. Va efeni. Nave shi ninge.”

¹⁵⁶ Ndele pefimbo opo, Kalunga okwa eta po omulumenhu a dja mombuwa, wedina Elia. Katu shii nokuli apa a dja. Ka li enofikola oku mu didilika. Ashike okwa yambuka, nokutokola oshinima ashishe osho. Okwa tokola etunge po alishe.

¹⁵⁷ Nge okwe u ya poshiningwanima, nena, ota tokola etunge po letu yo.

¹⁵⁸ Okwa tokola Isabel keshe. Ndele osha, lwaxuuninwa, osha li oye oo a teya po omuxunganeki. A faduka po, ngaashi Johannes; a nangala koshi yeno lomufiya eshi Isabel te mu dipaa. Oku mu tonde.

¹⁵⁹ Ndele otwa mona kutya eshi Johannes e uya, a dja mombuwa natango, omuholi wombuwa, netumwalaka la yukilila ovakainhu voshinanena tava hengana nokuhombolwa, nokuhombolululwa, okwe shi tetaula moipambu. Ina dja nande kofikola yonhumba. Okwa dja kuKalunga, omulumenhu a tumwa okudja kuKalunga. Ndele okwa tokola ovakainhu voshinanena, omhinge navo lela, ndele ina umba eengonyo. Ashike shayela okwa ti, “Efimbo ola fika, Messias otaka popya.” Shi tala.

¹⁶⁰ Paife faafaneka efimbo lotete lokuya kwaElia novaxunganeki vamwe ava voshinanena vonena, tava pitike Oisabel vavo va tete eexwiki davo, nokudjala eebwila, okushila ousekeleta, kesheshimwe osho va hala okuninga, tave va shikaula. Xwepo ndi hatye sha, okwe mu efa, kufa mukwao.

Tave va shikaula pamalongoitavelo a ningwa komunhu; oyo ohoni, omalongo omunhu. Ndele, mokuninga ngaho, ova hekula oipango yaKalunga, shaashi otava dulu okudjoina ongeleka nokulitya natango kutya Ovakriste, nokudiinina omaufemba avo nokutya vo Ovakriste, nokutwikila. Osho va hala. Osho va ninga hano.

¹⁶¹ Ashike, dimbuluka, olo efimbo latya ngaho, ngaashi Kalunga a udaneka muMalakia 4, kutya Ye ota wanifa Ondjovo natango. Oshi li mondjila. Tala apa tuli nena, ngaashi sha li mefimbo laJohannes, ngaashi sha li momafimbo akwao.

¹⁶² Tala kuAmos ou munini e uya po, mukwetu wonale munini. Katu shii apa a dja. Okwa li omufita. Kalunga okwa li te mu twala momaulifilo eedi nomaulifilo eengobe, ndele, noku mu deula. Ndele eshi e uya kuSamaria, naashi e uya nokuyeluka kombada yoshikulundudu efiku olo, ta tale poshi. Netango olo tali xwike momutwe wongwala, neendjedi daye di mbudu, nomesho aye e li pamwe nokufiika. Omesho aye etilokalunga taa pakuma, ha molwa oshiningwanima osho ovatalelipo va mona eshi ve uya musho, molwaashi oshilando ashishe oshe liyandja koulunde.

¹⁶³ Olyelye ou munini, omulumenhu ina didilikwa? Eheno, o Amos, omuxunganeki. Okwa xunganeka mefimbo laJerobeam Omutivali, ohamba odalelwmo, ya efa ovanhu va ninge kesheshimwe. Ovapristeli ova li muashishe shasho. Ova tunga eengeleka diwaelela. Ove na oikutu iwaelela. Ovakainhu vavo vehe na eenghedi. Ova djala keshe omukalo va hala. Ovatalelipo ova mbobolokela mo keshepamwe, okutala ovakadona wawa nokutwikila kwavo.

¹⁶⁴ U.S.A. ashike mukwao woshinanena, va wana okukala ovanhu vaKalunga. Kape na umwe ta ti sha kombinga yasho. Osha fa shi li emhangko vanhu. Omulo-...

¹⁶⁵ Omido omulonganahetatu paife, nena! Rebekka wange oku nomido omulonganahetatu, nena. Omido omulonganahetatu, nda tavakana oshiwana eshi, handi tokola oinima ei. Ndele eshi nda aluka, omudo nomudo, ope na ovakainhu va vindilwa eexwiki ve dulife eshi tete nda tameka.

¹⁶⁶ Munene, omuudifi wOmupentekoste a fimana okwa twala nge monduda, hanga omudo wapita, nawa, a shiivika nawa, omulumenhu a shiivika ounyuni aushe. Okwa ti onda... “Mumwatate Branham, nandi ku tenheke omake noku ku ilikanena.”

Onda ti, “Itandi vele.”

¹⁶⁷ Okwa ti, “Ashike ope na sha shapuka.” Okwa ti, “Mumwatate Branham, oto hanauna oshilonga shoye. Kape na umwe ta ka longela kumwe. Kape nonghumwe ovaudifi itava longele kumwe naave; osho omukalo to tokola ovakainhu.”

Okwa ti, "Ovanhu ohave ku ifana omuxunganeki."

Onda ti, "Inandi tya osho ndi li."

¹⁶⁸ Okwa ti, "Ashike otave lipula ou li." Okwa ti, "Onda itavela oshinima she lifa." Okwa ti, "Owa ifanwa okuilikanena ovanaudu." Okwa ti, "Ilikanena ovanaudu, ndele ef a ovakainhu. Oto ehameke omaliudo avo."

Onda ti, "Ngahelipi?"

¹⁶⁹ Okwa ti, "To va popi va djala va vindilwa eexwiki naikwao."

Onda ti, "Osha puka."

¹⁷⁰ Ombibeli oya ti, "Omukainhu oo—oo a tet a eexwiki daye, omulumenhu waye oku noufamba oku mu henga po." Mondjila naana. "Ota fifohoni omutwe waye." Osho Ombibeli ya ti. Paife nighi shii ngee ou shi hole ile hasho, ashike osho Ombibeli ya ti, mOvakorinto Votete.

¹⁷¹ [Okanhele kehe na sha mokateipa—Sd.]...oshipa sha nhuela fiyo oshipa tashi ya kondje. Ndele hano ove—ove uya, tava ti, "Omolwashike, Omufimanekwa Branham, olo alike oludi loikutu hava landifa."

¹⁷² Ove na natango oinima nomashina okuhondja. Kape nelipopilo. Ovamish novakainhu Ovadunkard ohave i djala natango. Lela. [Eongalo tali hakele—Sd.]

Ndele oshike sha ningwa po? Ova dja mo nokutwikila.

¹⁷³ Omukainhu okwa ti, "Iya, Omufimanekwa Branham, ihandi djala eebwila. Ohandi djala ee-..." Ou shike, outa-...[Omumwatate ta ti, "Outaeta."—Sd.] Heeno. Ta ti, "Ohandi va djala."

¹⁷⁴ Onda ti, "Oshii unene." Onda ti, "Ombibeli otai ti, 'Osho oixuna komukainhu okudjala omidjalo domulumenhu.'" Ndele otashi monika ondova ngahelipi Omapangelo Ahangana aa paife! Uwete? Oshi li mondjila.

¹⁷⁵ Nandi ku lombwele sha, mumwameme. Oto dulu kukala wayela ngaashi edo, komulumenhu woye ile kohondamat yoye, ashike mEfiku lEpangulo oto ka nyamukula molwa okuhaela. Jesus okwa ti, "Keshe tuu ou ta tale omukainhu, oku mu haluka, okwa haela naye nale" Nge omulunde oo okwe ku tale, ou noku ka nyamukula kEfiku lEpangulo. Owe li ulika mwene kuye. Ninga eshi wa hala. Uh-huh.

¹⁷⁶ Omolwashike omukainhu omutilikalunga a hala okudjalela ngaho? Hano to li ti ou na Omhepo Iyapuki molwaashi ho popi momalaka nokulotauka nolukolongo? Osho, shawana, onda mona ovapaani tave shi ningi, Eenyule. Omhepo Iyapuki oi yela, iyapuki, inai nyatekwa. Lelalela.

¹⁷⁷ Omulumenhu ou okwa ti, "Nge ou...Ova itavela u li omuxunganeki. Omolwashike ito va longele nhumbi

ve nokutambula eshali dinene dopamhepo, nonhumbi u nokulonga oinima yaKalunga? Omolwashike ito shi va longele nge ove omuxunganeki?"

¹⁷⁸ Onda ti, "Ohandi va longo ngahelipi oalgebra omanga itave lilongo oABC yavo?" Ou shii kutya ABC otashi ti shike? "Alushe Itavela Kristus." [Oshiingilisa "Always Believe Christ."] Uh-uhu. Oto ke shi ninga ngahelipi? Uwete, owa hala okuya *kwinya*, ponhele yokutameka *apa*.

¹⁷⁹ Kalunga ota tungile Ongeleka Yaye kekanghameno laJesus Kristus, naayo Ombibeli. Kondje yayo, omadu aeshe otaa ningine. Kalunga iha lunduluka. Oushitwe Waye ihau lunduluka.

¹⁸⁰ Ye okwa ninga ovakainhu va yooloka kovalumenhu, novalumenhu va yooloka kovakainhu. Ye okwe va djaleka sha yooloka, nokwa hala va kale omukalo oo. Uwete? Ovakainhu ova hala okumonika ngaashi ovalumenhu, novalumenhu ova hala okumonika ngaashi ovakainhu. Akutu, ame! Elundululo ngahelipi! Osho...Ndele oshinima ashishe, otashi monika sha fa sha dama ovanhu, ndele ito shi lundulula. Otashi monika sha fa engungule linene, omulaulu munene; nge ou uditeko eshi handi popi, momhepo. Engungule ole va dama, ndele itava—itava dulu oku shi ya kokule; oHollywood ihapu, okino ihapu, oipolopolo ikwao ihapu. Kesheshimwe tu na osha nyatekwa. Kape nonghumwe, "Nge oilonga inai xupipikwa, molwa Ovahoololwa, itapa kala ombelela tai xupifwa."

¹⁸¹ Owa ti, "Nghi shi shii nale." Iya, paife o u shi shii, okudja paife. Uwete? Osho...Xwepo ndi shi kangheke. Natu shuneni. Didilika.

¹⁸² Johannes okwa li edidiliko. Ndele shi dimbuluka, omukalo Kalunga e shi ninga oshikando shotete, oo omukalo Ye te shi ningi natango. Ye okwe shi udaneka. Paife, Kalunga ina longifa nande ongudu yovanhu, pefimbo limwe, molwa sho.

¹⁸³ Dimbuluka, opa li ongudu oshikando shimwe, oyo, omulumenhu munene wedina Ahab, e mu nine o...e mu nine ovaxunganeki Ovaisrael omafele anhe. Paife, vo kava li ovaxunganeki ovapaani. Ovaxunganeki Ovaisrael omafele anhe. Aveshe ve na eedgree davo nakesheshimwe, venofikola yakula.

¹⁸⁴ Opa li omulumenhu omutilikalunga wedina Josafat, ou a li ohamba yaJuda, nokwe uya. Ndele opo nee omuitaveli a lumbakana nomuheneitavelo. Oinima ya puka.

¹⁸⁵ Ndele okwa ti, "Ramot Gilead." Paife shi tala, nhumbi shi li oshili. Okwa ti, "Ramot Gilead oshetu, *kwinya*. Mwinya moshitopolwa shoshilongo *kwinya*, oshetu." Josua, mokutopola omadu, okwe li pa Israel. Ndele Ovafilisti, ovapaani, ove uya noku li va kufa. Okwa ti, "Oletu."

¹⁸⁶ Paife tala nhumbi, pakanghameno, ovanhu tava dulu okukala mondjila noku I shekuna tuu. Oshinima oshaIsrael lela. Ashike omaudaneko aeshe aKalunga, mumwatate, okwa ngabekwa, uwete, “Nge otava ende koshipala shOmwene.”

¹⁸⁷ Paife tala oku. Okwa ti, “Itamu i naame, nokukwafa nge oku kuwa ko edu olo? Iya, osho, vo ounona Oufileisti otava kutifa omadimo avo kwinya, noilya oyo yaIsrael.” Oshi li mondjila Pamushangwa. Okwa ti, “Kwafe nge ndi ye ko noku va eta.”

¹⁸⁸ A ti, “Iya, ange...” Opo okwa ninga epuko lakula. “Omatemba ange oooye, ovalumenhu vange oshe lifa onga voye. Ohandi i pamwe naave.”

¹⁸⁹ Ndele hano Josafat okwa hovela okudiladila, ou wete ko. “Ta ti, ihatu pula Omwene muashi manga inatu ya?”

¹⁹⁰ “Akutu, naana,” Ahab okwa ti, “lelalela. Uh-uhu. Ombili. Onda—onda wana oku shi lipula.”

“Kape na apa pe nomuxunganeki?”

¹⁹¹ “Akutu, lela. Ondi na—ondi na o—oseminali yavo apa, iwa ino mona nale. Aveshe ohava djala oikutu iwaelela. Ovo ovalongelwe vopombadaelela va pushwa. Onde va longa, koshitwa. Ohatu ke va tala.”

¹⁹² Onghee ova ya ko. Ndele ove litula kumwe. Kava li ovaliningifi. Ova ilikana nokuilikana nokuilikana, fiyo tava mono emoniko.

¹⁹³ Hano ove uya. Ndele umwe womuvo omalivinga avali akula moshivela. Okwa ti, “Naa oto ka twa Ovafilisti, ile o—Ovaaram, va dje moshilongo.” Okwa ti, “OMWENE OSHO TA TI. Inda, Omwene oku li pamwe naave.” Kesheumwe womuvo, hano, nomukoo umwe, a wila momhepo. Ovaxunganeki Ovaisrael ova ti, “Inda, Omwene oku li pamwe naave.” Oto ti, oshi li Pamushangwa? “Kalunga okwa yandja efyuululo eli kovanhu, nomutondi oku li na. Ou na oufemba oku ke li tala ko.”

Paife, Ovapentekoste, onda hala mu mone oshilongwa apa.

¹⁹⁴ Ashike, Josafat, mokukala omulumenhu omutilikalunga, okwa ti, “Ope na shimwe shinini shapuka natango.” Ta ti, “Kamu na po umwe vali?”

¹⁹⁵ “Umwe vali, konima yovaxunganeki omafele anhe va deulikika va fikama apa?” Vahapu ngaashi ve li koshi yolokolongo eli. “Va fikama momukoo umwe, tava ti, ‘OMWENE OSHO TA TI.’ Li alula, nokutya, ‘Josua tu pa edu. Oletu. Ke li kufe ko!’”

¹⁹⁶ Ashike Josafat okwa pula mukwao. Ta ti, “Kape na vali mukwao hatu dulu okupula Omwene?”

¹⁹⁷ Okwa ti, “Akutu, ope na umwe vali, ashike,” ta ti, “Ondi mu tonde.” Uh-uhu, uh-uhu. Ta ti, “Oye Mika, omona waImlah.” Ta ti, “Ondi mu tonde. Alushe ota popile nge owii.”

Ta ti, “Ino efa ohamba i tye ngaho. Ke mu tale.”

¹⁹⁸ Hano ova tuma ko ovatumwa. Ndele vamwe vomuovo ova ti, “Paife, Mika, onda hala oku ku lombwela sha. Paife, ou weteko kutya ove ku konda mo,-veku teta mokuongala, ha nale unene, molwaashi alushe oto popile ovanhu owii. Paife nge owa hala okualulilwa okakalata koye kokuongala, popya oshinima shelifa tava ningi, ndele, akutu, otave ku papatele diva.”

¹⁹⁹ Ashike okwa kala ngaha kutya okwa li lela omuxunganeki. Okwa ti, “Ngaashi Omwene Kalunga e nomwenyo, ohandi ka popya osho Kalunga a tula mokanya kange.” Akutu! Kalunga yambeka omulumenhu. Okwa ti, “Teeleleni fiyo okonguloshi, ndele handi mono eshi Omwene ta lombwele nge.”

²⁰⁰ Ongula yashikula, ta ti, “Inda ko, ashike onda mona Israel a halakanifwa ngaashi eedi di he namufita.” Hano okwa kufa emoniko laye noku li faafanifa naashi Elia a ti, eshi sha ningilwa Ahab. Ongahelipi Ye ta yambeke osho sha fingwa? Kashi nombudi oshi fike peni... .

²⁰¹ Fye oshiwana oshitilikalunga. Ongeleka yOpentekoste, Obaptiste, nOmethodiste, noshoo tuu, odo eengeleka Eenghwakriste, ashike ongahelipi to yambeke osho Kalunga a finga? Nghi na konasha, to ti, “Onda—onda djoina ei. Onda ninga eshi.” Osho kashi na sha nasho. Tala osho wa ninga. Tala kOpentekoste, nhumbi ya efa omanwino. Tala osho wa kala, ndele tala osho u li paife. Kape nonghumwe, omesho oku li, omesho okwa popipalekwa.

²⁰² Hano ye, Ahab, o... . Omupristeli ou okwe mu denga komulungu. Ndele ta ti, “Mu tula,” ndele Ahab ta ti, “mu tula mwinya modolongo yomeni. Eshi handi aluka nombili, ohandi ungaunga nomukwetu ou.”

²⁰³ Okwa ti, “Nge owa aluka, Kalunga ina lombwela nge.” Uhu-uhu? Uwete? Opa li omuxunganeki, opa li edidiliko; opa li Ewi Laye. Ndele, okudopa okudulika kulo, oku eta epangulo.

²⁰⁴ Omhepo Iyapuki oyo omuxunganeki wetu nena. Dopa okuuda Ewi Laye? Oye a didilikwa mOmushangwa, kutya Ye ota popi oinima ei. Jesus Kristus, olupe lOmhepo Iyapuki!

²⁰⁵ Kalunga okwa ungaunga nomulumenhu umwe ou. Ngaha, Kalunga ina ungaunga neengudu; onomulumenhu umwe. Elia ka li ongudu. Johannes ka li ongudu. Kava li ongudu ile oukwaongalo, ile umwe womuovo. Ashike aveshe vomuovo ove shi tokola. Oshi li mondjila. Johannes okwa ti, “Inamu lipula kutya otu na Abraham tate yetu. Kalunga ota dulu okushitukifa omamanya aa ovana vaAbraham.”

²⁰⁶ Ndele edidiliko lexulilo lefimbo oli na Ewi lexulilo lefimbo. Ndele edidiliko lexulilo lefimbo otali likolelele kuashi

sha tengenekwa mOmbibeli. Ndele exulilo lefimbo Ewi, olo tali shikula edidilikox lexulilo lefimbo, otali kala naana la didilikwa mOmushangwa, tali kala Omushangwa oo wa udanekwa.

²⁰⁷ Paife otwa lesha muLukas 17 nhumbi edidilikox lexulilo lefimbo tali kala, otali kala ngaashi sha li puSodom, eudaneko. Ndele otu na Sodom moushitwe, omolwashike itatu itavele edidilikox pamhepo paife? Nge ou wete Omishangwa, yo, Lukas 17 oye edidilikox, naMalakia 4 oye Ewi. Edidilikox oli li ngaashi Kalunga a holoka mombelela, e shii oiholekwa yomitima; nEwi laMalakia 4 okualula ovanhu komalongoitavelelo avo, okushuna kEitavelo looxe. Olo edidilikox.

²⁰⁸ Ou shii kutya oshike? Ohandi pateko paife. Omadidilikox ohaa tambulwa alushe, shoshili; ashike, Ewi, akutu, ahawe. Ewi olo la shikula edidilikox, inava hala okuli longifa sha. Eheno.

²⁰⁹ Edidilikox laJesus, onga Messias, okuvelula ovanaudu, ove li tambula. Ashike efiku limwe Ye okwa ti, “Ame naTate Umwe.”

²¹⁰ Akutu, ame, Ewi olo inali tambulwa. Ova ti, “Oto liningi Ovemwene Kalunga, urike pamwe naKalunga.”

Ye okwa ti, “Ame Omona waKalunga.”

²¹¹ “Akutu, ame, ongahelipi Kalunga e na Omona? Uwete, nashi kale kokule naKalunga a kale e na Omona!”

²¹² Ashike, ou wete, ova itavela e—edidilikox, ovanaudu ova veluka, ndele, akutu, okwa li shikumwifi, okwa li shiwa lela. Ashike eshi she uya kEwi, inava hala okuitavela Ewi. Ova ninga shike? Ove Mu tula kondje.

²¹³ Ndele ou shii kutya oshike? Ombibeli otai tu lombwele, mEhololo ekapiteli eti3, pOmudo Ongeleka waLaodikea, kutya Ye ota ningilwa oshinima she lifa. Ye oku li pondje yongeleka. Oyo Ondjovo ya hololwa. Ye okwa li Ondjovo ya hololwa. Ye oku li natango Ondjovo ya hololwa.

²¹⁴ Nge oto itavele edidilikox laSodom, laLukas, nge oto li itavele, hano omolwashike ito tambula Ewi laMalakia 4? UWete, omolwashike haave, ove? Otali dulu okushilipalekwa. Omukalo auke tashi dulu okuningwa oo...Edidilikox tali kolekwa, ashike ou na okutambula Ewi.

²¹⁵ Moses okwa tumwa a ye ko, moushitwe, nokukufa edidilikox lopamhepo noku ifanena ovanhu keudaneko looxe.

²¹⁶ Malakia 4 okualula ovanhu “Okushuna kEitavelo looxe.” Akutu, aluka, Akutu omupofi nomuhalakanifwa, kuwoye mwene!

²¹⁷ Mokupata, ohandi ti ngaha, omhito ei yaxuuninwa. Omuxunganeki okwa ti, “Otapa kala Ouyelete konguloshi.” Tala, okwa ti, “Otapa kala efiku itali ifanwa omutenya ile oufiku.” Paife pwilikina. Ohandi pate. “Otapa kala efiku...” Eshi nashi ningine moule, naKalunga neshi tule momutima

keshe momudingonoko ou, konguloshi, moshinyanga omu. Omuxunganeki okwa ti, "Otapa kala efiku itali ifanwa omutenya ile oufiku, litilifi, omudimbi, efiku loshihemime. Ashike," ta ti, "konguloshi, otapa kala Ouyelete."

²¹⁸ Paife, dimbuluka, etango alushe ohali piti kOushilo nokuya kouninginino. Eputuko ola shikula etango. Ou shi shii. Ndele, didilika, etango le lifa olo hali piti kOushilo olo etango le lifa hali ningine kOuninginino. Paife, eputuko ola enda naana pamwe netango, nafiyi paife Oushilo nOuninginino wa shakena. Otu li kOmunghulofuta wOkouninginino; Oushilo nOuninginino.

²¹⁹ Ndele, dimbuluka, Evaengeli ola enda omukalo we lifa. Ola pita kOushilo, euyo laJesus Kristu, O-m-o-n-a, ha e-t-a-n-g-o. O-m-o-n-a, Omona waKalunga, a pita kOushilo, kOvaushilo.

²²⁰ Ndele paife opa kala efiku olo ovanhu va djoina ongeleka, va ninga omaukwaongalo, ouyelele wa wana okumona ko, "Iya, ohatu kala nongeleka. Ohatu tungu *ei*. Ohatu tungu ofikola. Ohatu tungu oshipangelo. Ohatu longo. Ohatu kala noseminali." Ova kala nouyelele wa wana okushi ninga.

²²¹ Ashike, dimbuluka, Ombibeli oya ti, omuxunganeki wOmwene, mOmbibeli ou e li OMWENE OSHO TA TI, "Olo etango le lifa olo laminikila kOushilo otali minikile natango kOuninginino, konguloshi. Otashi kala Ouyelete konguloshi."

²²² Ngeno oshike Ye ta ningi? Osho naana Ye a ti muLucas ekapiteli eti17. "Pexulilo lefimbo, eshi Omona womunhu ta hololwa momukalo we lifa oo Ye a li kOushilo, Omona e lifa ta minikile, Eenghono de lifa, Omhepo Iyapuki yelifa, Oshinima she lifa tashi ningi oshinima she lifa. Otashi kala Ouyelete konguloshi."

²²³ Etango le lifa olo tali ende; O-m-o-n-a e lifa a enda; a kuluka kOushilo, okudja kuPaulus; ta nukile mOndowishi, kuMartin Luther; ta nukile natango, meshilo Laye lashikula; nokudja ko tai koEngland, kuJohannes Wesley; ta nuka okutaula Efuta laAtilanta, okuya kOmapangelo Ahangana, okuya kOpentekoste; ndele paife Opentekoste oye lininipaleka yovene, ndele paife otu li kOmunghulofuta.

²²⁴ Kesheumwe womuvo, e likwaongalopeka, ongaashi va ninga pehovelo, va ninga ehangano olo Kalunga a finga. Opentekoste, naaveshe, ve shi ninga.

²²⁵ Ashike Ye okwa ti, "Otashi kala Ouyelete konguloshi. Otapa kala edidiliko tali piti konguloshi." Inamu U shekuna, ookaume. Inamu U shekuna. Paife, Omona e lifa ota yandje Ouyelete we lifa. E-t-a-n-g-o le lifa tali yandje ouyelele w-e-t-a-n-g-o we lifa. O-m-o-n-a e lifa ta yandje Ouyelete W-o-m-o-n-a we lifa.

²²⁶ Paife, kali fi epopyo lange. Kesheumwe u li apa, u shii kutya Ombibeli osho tai ti, yelufa omake oye. [Eongalo tali ti, "Amen."—Sd.] Oshi li lela mondjila.

²²⁷ Paife, oto dulu, oshi li kuove. Itavela Omona waKalunga oo, Jesus Kristus, e na, ina fya. Ye oku nomwenyo. Ye oku li mokulininipika, elininipiko. Ye alushe osho a kala. Omukalo owa kitakana. Lininipika mwene, inda kokule nomadiladilo oukukutu woye, nokuitavela Omwene Jesus. Mona edidiliko, hano itavela Ewi. Aluka, Akutu omuhalakanifwa, kuwoye mwene!

Natu nyongamekeni omitwe detu.

²²⁸ “Ndele nge itava itavele Ewi ledidiliko lotete, meke, ngaashi sha li naMoses, hano ninga edidiliko etivali. Hano, nge itava itavele edidiliko eli, hano kufa omeva (omeva okwa kalela po omwenyo) oo e li mefuta ile efuta, a tila pedu, otaa ningi ohonde.”

²²⁹ Tate Omukwaulu, okwa toka lela paife, ashike Owa udaneka tapa kala Ouyelete konguloshi. Pitika Ewi lEvaengeli letu li ningine moule womitima dovanhu, ngaashi tava konakona muLo noku li lilonga paNdjovo.

²³⁰ Yambeka omudingonoko ou, Omwene. Yambeka ovanhu ava. U va wete ve li omutumba apa, va fyondjala, ounona vouhepele tava kandaulwa nokukamwa, ndele *ngaha*, mokushiiva kutya Satana okwe shi ninga oku va twikifa koshinima ngeenge ta I i ko. Nava, konguloshi, nomukoo umwe, va itavele Jesus Kristus, va itavele eudaneko Laye, kutya Ye okwa nyumuka koufi.

²³¹ Owa ti, “Mefimbo olo inava diladila, hano Omona womunhu ote uya.”

²³² Diva hano eshi ongeleka ye shi mona, oshi dulife oimaliwa, okutunga eedola eebilionia momatungilo. Otava kala xwepo, Tate, onda itavela, konima okufikama mokolonela, okudenga o—okatamborine, nomambale pomake avo, ongoma yonale mokolonela yafa yEtanga lovakwaita Lexupifo, hano oshi dulife okukalomutumba meekila edi konguloshi, tava kendabala okuhepaenena ounyuni, “Ve nemoniko longaho, ndele tave likale Eenghono dalo.”

²³³ Wanifa, Omwene, konguloshi, lumwe vali, Omwene; ngaashi Simson a lila, “Lumwe vali, Omwene, lumwe vali.” Nashi shiivike kutya Oove Kristus, Omona waKalunga; e lifa onghela, nonena, nofiyoalushe. Ndele lididilika Mwene mokati ketu, opo va dule okumona edidiliko, pamwe tava itavele Ewi. Muashi, onda indila mEdina laJesus Kristus. Amen.

²³⁴ Ohatu ka ifana omukweyo weilikaneno, diva meendelelo. Onda mona lela kutya efimbo paife hatu lekelwa. Ashike natu kaleni nomukweyo weilikaneno, omukweyo weilikaneno munini, hano ohatu ka tameka mongula.

²³⁵ Okwa yandja oukalata veilikaneno nena. Onghee hano, ohatu yandje oukalata keshe efiku, opo keshe umwe ota dulu okumona omhito ngeenge ve uya, efimbo likumwifi. Okuya

momukweyo weilikaneno, oo itau ku velula. Kesheumwe oku shi shii, mukeshe oshiongalele, ope na vahapu va veluka kwinya ve dule va veluka apa, uwete, alushe. Omhepo Iyapuki oyo omukaliapeshe. Oye aeke ta kendabala okumona ovaitaveli, opuwo, Ye ota fiki ko.

²³⁶ Yandja oukalata veilikaneno P, ngaashi muPaulus. Natu, opo twa kala...Iya, ifana okudja kuimwe. Imwe, mbali, nhatu, nhe, nhano, hamano, heyali, hetatu, omuwoi, omulongo, nava fikame *apa*, nge owa hala. Okakalata keilikaneno kavo P, ngaashi muPaulus, imwe fiyo omulongo, fikameni lwaapa kombinga *ei*, nge oto dulu okufikama. Nge ito dulu, hano ohatu kufa umwe e ku kwafe. Omulongo; imwe, mbali, nhatu, nhe, nhano, hamano, heyali, hetatu...Oshi li nawa, vavali vali. Hetatu, omuwoi, omulongo, oshi li nawa. Omulongo fiyo omulongananhano, omulongo fiyo omulongananhano, ngaho vatano vali. Omulongananhano fiyo omilongombali, fikama opo ndi mone nge oto dulu oku fikama; P, omulongananhano fiyo omilongombali. Omilongombali fiyo omilongombali nanhano. Natu mone paife, keshe apa u li. Paife engungo alishe nali ngungumane, ominute dishona. Nashi kale okakalata keilikaneno P, imwe fiyo omilongombali nanhano. Hasho? Omilongombali nanhano, imwe fiyo omilongombali nanhano.

²³⁷ Paife kesheumwe elili na ngungumane. Yandja efimaneko linene kuKalunga, yandja Etumwalaka. Ou li na ongunga kuKalunga, okutala omunute nokudilonga.

²³⁸ Paife ohandi diladila otava longekida ovanhu. Ovo ve he na...Nge ove na okakalata keilikaneno, aveshe kave li momukweyo, otave shi mono; otava lombwele nge mominute dishona, ndele hano otava...hano ohatu mono nge pamwe umwe omufitamatwi ile umwe oo ita dulu.

²³⁹ Nghi shii apa ve li, okaume, ovo oukalata veilikaneno. Omumati okwe uya apa... (Ou e va yandja? Oove, ile oBilly? Billy?) Iya okwe uya, nokulumbakanifa oukalata, komesho yeni vanhu, hano te mu pe okakalata keilikeneno; e uya, te mu lombwele mu kale omutumba, e mu pe okakalata keilikaneno. Uwete? Nghi shii apa ve li. Onda kendabala okueta okaana aka apa, uwete. Ndele, vakwao, nighi—nghi va shii, nighi—nghi nomukalo woku shi shiiva. Ondi wete Kalunga okwe shi nangeka omukalo Ye a hala oku shi nangeka ngaho.

²⁴⁰ Paife, amushe vomunye, ovo mu he na okakalata keilikaneno. Yelufa eke loye, to ti, "Nghi na okakalata keilikaneno, ashike ohandi vele." Yelufa eke loye, keshepamwe metungilo. Nghi na konasha apa u li, yelufa loye...Iya, kape na ovanhu vahapu unene, paife. Iya, kuasho, itashi pula olule okuikanena omukweyo weilikaneno paife mongula. Ope na konyala omilongombali omu, dihe na eshi da fikamena apa, tadi vele.

²⁴¹ Oshi wa. Onda hafa oku ku mona we shi tambula ngaho. Ou na eitavelo lidule olo handi lipula u na, pamwe. Uwete? Uwete? Nge owa tambula eveluko loye, ekelashi okakalata koye, Kalunga ne ku yambeke. Olo eitavelo lovene. Kape na umwe e ku tenheka omake; owa tenheka omake kuKristus.

²⁴² Paife ou li apa konguloshi, itashi kala momukweyo weilikaneno, owa itavela ehokololo eli. Ngaashi omukainhu oo a kuma eenyemba doshikutu Shaye, ndele Ye okwa punguluka nokudimbulula kutya okwe Mu kuma, vangapi tava dimbuluka ehokololo? Shoshili, omu li.

²⁴³ Owe shi itavela, Ye, Ombibeli oya ti mOvaheberi 4, kutya, "Ye Omupristeli Omukulunhu, paife ngaha, oo ta dulu okukumwa keliudo loungone wetu"? [Eongalo tali ti, "Amen."—Sd.] Iya, nge Ye okwe lifa onghela, nonena nofioyoalushe, mbela Ye ita longo she lifa? ["Amen."] Hano Ye ine shi ninga, oufiku noufiku, apa? ["Amen."] Vangapi va kala moiongalele ikwao noku Mu mona te shi ningi? Yelufa ashike. ["Amen."] Shoshili. Uwete? Ounyuni aushe! Ye oku shi shii, Ye oku shii ashishe kombinga yoye.

²⁴⁴ Paife uwete eshi handi kendabala okuninga? Vangapi ve uditeko eshi handi kendabala okuninga? Uwete? Onde ku hala, pehe na umwe te ku tula omake, onde ku hala, onga oshinyolwa shovene shaKalunga, to ti, "Jesus Kristus, onde Ku itavela. Paife ohandi Ku tambula onga Omuvveluli wange. Paife ohandi Ku tambula onga Omuxupifi wange. Onde shi itavela nomutima wange aushe, oilonga yasho oya pwa." Hano dama eudaneko olo, dama elihepafululo nokuya komesho nalo. Tala eshi tashi ningwa po. Uwete? Tala eshi tashi ningwa po. Uwete? Paife osho handi kendabala oku ku ningifa, omukalo wolela oo twa wana okuitavela.

²⁴⁵ Wa ti ngahelipi? [Umwe ta ti, "Nhe nomulonganomuwoi."—Sd.] Onomola oninhe, okakalata keilikaneno onomola oninhe nonomola onimulonganomuwoi, kai po. Okakalata keilikaneno okatinhe. Tala kuumwe; tala kokakalata kamushiinda shoye. Okakalata keilikaneno onomola oninhe nonomola omulonganomuwoi. Oshi li nawa, okafimbo ashike, teelela. Uwete, nge inandi mu ifana, hano ohandi shi alukile, ou wete. To ti shike? To ti shike? ["Nhe."] Ou na nhe? kombinga yomulo....Kape na omulonganomuwoi natango. To ti shike? ["Kwawedwa nhe."] Okakalata keilikaneno onomola oninhe kai po natango, ile omulonganomuwoi. Nge umwe oku noukalata ovo, nge to uya momukweyo. Ile, tala, uwete, otashi dulika...e na kamwe.... Okahanana kanini oko oke na okakalata? Ka tala, kake na.... Oyo kai fi onomola. Omukainhu ou e li apa oku na okakalata, mokatemba aka? Tala onomola yaye. Oyo—oyo onomola yaye? Omukainhu kolutala, huh? Ove ka na. Vo, aveshe omo

ve li paife. Eewa. Oshi li nawa. Paife—paife, nye ava mu na okakalata keilikaneno, va diinineni. Ohatu i kovalongi, pafilonghenda laKalunga.

²⁴⁶ Paife, ookaume, otashi kala onguloshi ya xuuninwa tu na, mongula Osoondaxa komatango, natu limweneneni. Paife kufa keshe okuhaitavela u na nakeshe—keshe ediladilo li he noshilonga, noku li tula polukolongo, nokutula omhadi yoye kulo, ngaashi sha li. Tya, “Omwene Jesus, ohandi Ku itavele.” Vangapi tave shi ningi? [Eongalo tali ti, “Amen.”—Sd.] Tangi. Kalunga ne ku yambeke.

²⁴⁷ Paife ha umwe ta i. Kala omutumba wa ngungila, nokuitavela. Tala ombinga ei, ndele paife tala.

²⁴⁸ Okulididilika kwaKalunga okwa kala ku shiivike, taku dulu okumona nhumbi sha kala, nokutonga nhumbi sha kala, nhumbi shi li, ile nhumbi tashi ka kala. Otu shi shii. Osho ovaxunganeki ve shiivike. Osho Jesus a shiivika onga Messias. Ndele Oye Messias e lifa nena ngaashi Ye a li hano, e he na olutu lokedu oku kedu. Ye okwa tuma Omhepo Yaye okulongifa olutu loye, olutu lange. Paife, oto dulu u ha dule okulonga ngaha. Otu shi shii, mOmushangwa, ope na umwe mepupi. Ashike, uwete, ashike natango oto dulu oku shi itavela, ndele ou noinima ikwao oyo to dulu okushi itavela, kesheumwe.

²⁴⁹ Oshike nge omunwe wange owa tokola, molwaashi kau fi eisho lange, itau kala vali omunwe wange? Oshike nge okwooko oku ota ku ti, “Itandi ka yeluka vali, shaashi nge ngi fi eisho, ile okutwi, itandi kala vali okwooko”? Omolwashike, otashi lemaneke olutu lange.

Kala osho Kalunga e ku tula u kale.

²⁵⁰ Oikando ingapi nda hokwa Oral Roberts, Billy Graham, Tommy Osborn!

²⁵¹ Vamwe vomovalumenhu ovo ova ya mo nokutya, “Efimano kuKalunga! Shi itavela!” Eitavelo lombwa yomhedi. Va ya kokule, va ya mo vape ngaashi tava dulu.

²⁵² Billy Graham a fikama netumwalaka, nokulombwela ovanhu ominate dishona, ta ti, “Ninga omatokolo oye; ila koaltari.” A fikama ashike, ina ninga nande elinyengo likwao.

Okwa ti, “Onghee omolwashike to ningile ngaho, Billy?”

²⁵³ Ta ti, “Etumwalaka lange ola tetekela. Ola dja kuKalunga.” Oshi li mondjila.

²⁵⁴ Oku li kongeleka yaSodom oyo, naana sha wana okukala. Edina laye ola xula nah-a-m la dja kuAbraham, eendada hamano; Abraham oda li heyali. Uwete omutumwa wongeleka oyo, mwinya muBabilon? Lelalela. Kape na omulumenhu moshilongo a diinina etumwalaka olo lepapuduko, a fa Billy Graham. Okwa fikama ko. A ya kokule okudja oko, nokuya okulya ombelela yekipa lot nokuka nangala, okunwa omashini a otekwa. Oshi li mondjila.

²⁵⁵ Ndele eshi u nokufikama nokulwifa eendemoni! Oshikando shimwe kOmukunghulofuta Ule, Mumwatate Jack naame... Xo oko a li a fikama.

²⁵⁶ Naapa opa fikama Omufimanekwa. Fuller, Charles Fuller, omumwatate muwa, a fikama ta udifa. Hanga avali ile ovanhu omayovi atatu e li mo omutenya oo. Otwa kalomutumba nokupwilikina koshiongalele shaye. Ondi na oshinyanga sha indilwa, konima yaye. Ndele okwa kala ofika nokuninga epopyo liwa. Ndele ta ti, "Ope na umwe u li apa wa hala okutambula Kristus?" Vavalilie ovanhu vatatu ove uya molwa enangeko noupuna louhanana vavo. Omukainhu umwe okwa ti okwa hala oku shi tambula. Ila nokuninga eilikano linini, umwe womovadiakoni, okwa ya konima noku kalomutumba. Ta minike omake, ta lelangalenga nokudja mo. Opa li oulongelwe waye, ongudu yovanhu va djala nawa, ya dja mo.

²⁵⁷ Omwe uya vange, eendjakete da yukilila, outemba, ovapofi, oingudu, ovapandekwa, oitiningili. Ngeenge eitavelo loye la taalela shimwe shatya ngaho!

²⁵⁸ Paife apa, oshike handi ti Kristus e nokukala? Ndele paife ovaheneitavelo mu li omutumba apa, mwa hala okumona epuko limwe, uwete, tava kendabala ashike okumona epuko limwe.

²⁵⁹ Dimbuluka, apa ha nale unene moToronto, otwa li twa fikama hatu udifa, hatu ilikanene ovanaudu. Onda kala ndi udite omhepo ilimbiliki; ya li omutumba kolumosho lange. Onda kala handi i tale. Opa li omulumenhu e li omutumba, onduba oye mu futa e uye mo a leelete nge. Oha dulu okuya konhanda yetanga lovakwaita nokuninga ovakwaita va fikame keenyala davo nokuweda ngaashi eembwa, naikwao; omuleeleki. Onda uda omhepo yanyata oyo. Nghi shii kutya oya li tai di peni. Onda kala handi tale. Onda mona omudidimbe ulaula. Onda teeela ominute dishona. Onda ti, "Ove mona waSatana, omolwashike omunawii a poipaleka omadiladilo oye kushimwe shatya ngaho? Molwaashi owe uya okulwifa Kalunga, okumakela Omhepo yaKalunga, otave ku longele mo omu." Okwa fyombada moshipundi shaye noku li natango a fyombada. Uwete?

²⁶⁰ Itatu dana ongeleka. Vangapi va kala moiongalele nokumona oshinima she lifa sha ningwa, ou shii oinima oyo ya kufombinga? Shoshili. Oshi li mondjila. Dimbuluka, kala—kala wa ngungumana.

Paife osheshi, ondi wete, umunhu wotete. Oshi li mondjila?

²⁶¹ Paife, uwete, onda udifa, nde mu lombwela naana eshi shi nokuningwa po mefimbo eli. Paife olo edidiliko, nge ola ningwa. Osho edidiliko la li, hano itavela Ewi olo lashikula edidiliko. UWete?

²⁶² Paife apa omukainhu. Naana, kunye ovaenda, ou Omuyapuki Johannes 4, opo Omwene wetu Jesus a shakeneka omukainhu pondungu. Inava shakena nale, monghalamwenyo, ndele Ye

okwa lombwela omukainhu osho sha li oupyakadi waye. Ndele okwa dimbulula kutya oo okwa li Messias. Ehokololo ou li shii? Ole li apa natango, omulumenhu nomukanhu va shakena. Paife ke fi omukainhu, naame nighi fi Omulumenhu oo, ashike oo oKalunga e lifa. Uwete? Paife, Jesus okwa ti, "Oilonga Handi i longo naye yo ote i longo," Omuyapuki Johannes 14:12.

²⁶³ Paife, mukainhu, nighi ku shii, nighi shii kutya omolwashike wa fikamena opo. Otashi dulu okukala oupyakadi womeumbo. Otashi dulu okukala umwe elili. Pamwe oto vele. Pamwe osho... Pamwe owa fikama opo, we lidjaleka sha. Nge osho, mona eshi tashi ningwa po. UWete? Pamwe oto hepaenene sha. Kutya nee oshike, nighi na... Pamwe ou li omuitaveli wolela. Osho nighi shi shii, ashike Kalunga oku shi shii. Ashike oto ka shiiva nge Ye ote ku lombwele oshili ile hasho, hasho? Nge oshili, oto shi shiiva.

²⁶⁴ Paife, uwete, eitavelo loye osho li nokuninga. Ongahelipi wa hala okuuya apa? Paife nge ope na ou a itavela kutya osha puka, ila apa ndele to kufa po omunaudu ou, ila apa ndele to kufa po aveshe vomuvo. Hano nge ito shi ningi, hano ino tokola nge. UWete?

²⁶⁵ Paife tala oku, mumwameme, omunute ashike. Paife nighi shii sha, sha kombinga yoye. Ove omukainhu ashike a fikama opo.

²⁶⁶ Paife nge Omwene Jesus Kristus, Omona waKalunga, Ou nda koleka paOmbibeli, a udaneka kutya Ye ota aluka momafiku axuuninwa nokuliholola Yemwene mouyadi wOmhepo Yaye.

²⁶⁷ Ngaashi ashike Ongeleka tai ya; ngaashi ya dja koukali wounhu, okudja keemhadi, tashi ya komatundji, fiyo okomutwe, nomutwe oo omutwe wolutu. Ndele Olutu ole ya, okudja nale Ongeleka yotete, le uya lela, muashi, momatungululo, ole uya fiyo opaife. Ola pitila meyukipalifo, eyapulo, eshasho lOmhepo Iyapuki. Paife olo Omutwe (Kristus) te uya kOlutu, Olutu laKristus. Oye Aeke Ou e shi shii. Eke lange kali shii okulihumbata, okomutwe wange ashike. Ashike Oye Aeke Ou e shi shii, olo etomhelo Oye Ondjovo.

²⁶⁸ Haame Ondjovo. Ame omunhu. Ashike, ou wete, Ye oha longifa olutu eli. Molwaashi, Ye okwa fya okuyapula olutu eli, opo Ye a dule oku li longifa, nokuyandja oshali. Ngaashi oku li shila mongela, hano Omhepo Iyapuki tai yakula.

²⁶⁹ Hano, nge Ye ota hokolola ile te ku lombwele eshi wa longa, eshi u lile apa, ile sha kombinga yoye, oto shi itavele. Nengungo otali itavele she lifa? [Eongalo tali ti, "Amen."—Sd.] Omwene Kalunga ne shi wanife.

²⁷⁰ Paife ohandi kufa omhepo keshe, ili omu, koshi yepangelo lange, molwa efimano laKalunga. Paife kalomutumba wa ngungila. Ino endaenda.

²⁷¹ Tala oku, omunute ashike. “Tala kuame,” ngaashi Petrus naJohannes va ti, va pitila momuvelo. Moitya imwe, litula mo muashi handi popi. Uwete?

Jesus okwa pula omukainhu omapulo mashona. “Etele Nge ndi nwe.”

²⁷² Uwete, onda kala handi udifa, oshinima she lifa. Tate okwa tuma nge apa ko—koBaton Rouge. Aame ou.

²⁷³ Tate okwa ti Ye okwa pumbwa okuya kuSamaria. Ye oku li ko omutumba. Omukainhu okwa li wotete okuuuya kuYe. Ye okwa ninga edidiliko limwe olo komukainhu oo, noshilando ashishe oshe lidilulula. Oshi li eyooloko ngahelipi . . .

²⁷⁴ Oto diladila, nge Ye ota ningi oshinima she lifa, konguloshi, oto diladila ashishe shaBaton Rouge te lidilulula? Onde shi limbililwa, ove? Osho lela ndi li. Ashike otu li momafiku axuuninwa, eshi owii u hapu owii u dule wa shiivika.

²⁷⁵ Paife eenghalo doye. Ou li apa u ilikanenwe. Mondjila naana. Ndele oto hepa nonghalo yomunino. Nge oshi li mondjila, yelufa eke loye. Hasho ashike osho, ashike ope na umwe oo to ilikanene. Okaana, nokaana oko oke na onghalo yomunino. Ndele onghalo yomunino wokaana, eembulwa momunino. Owa itavela kutya Kalunga ote ka velula, yo? Okanasituke oko ke li meke loye, oko wa yelufa kuKalunga, onga ondombwedi. Ino shi limbililwa paife. Inda ka tenheke okanasituke kokaana. Ino limbililwa, nomutima woye aushe. Kalunga ote mu velula amushe noku mu kaleka nawa. [Omumwameme ta ti, “Mu hambelela! Halleluya!”—Sd.] Oto shi ningi? [“Jesus! Tangi, Jesus!”] Hano inda, nOmwene oku li pamwe naave. [“Efimano kuKalunga! Halleluya!”]

Ou li ngahelipi? Otuva pe, yo.

²⁷⁶ Owa itavela? [Eongalo tali ti, “Amen.”—Sd.] Olo edidiliko. Paife Ewi, olo, “Alukila kOndjovo.”

²⁷⁷ Nghi ku shii; Ye oku ku shii. Nge Ye okwa lombwele nge sha kombinga yoye, hano oto itavele kutya Ondjovo oyo nda popya otai kala eshilipaleko? Olo e—olo eshilipaleko laYo. Uwete? Onda ti Ye okwe shi ninga; oko okuxunganeka. Paife nge exunganeko ola wanifwa, hano Ye okwa ti, “Li udeni.”

²⁷⁸ Ou na onghalo yalyalyakana oyo to hepa nayo, elyalyakano. Ndele ou na oshitumba, noshitumba oshi li mokuulu kwoye. Oshi li mondjila, ha sho? [Omumwameme ta ti, “Eheno.”—Sd.] Paife owa itavela? [“Eheno, omufimanekwa.”] Hano inda nondjila yoye, ndele itavela. Ndele, ngaashi wa itavela, osho to ningilwa.

²⁷⁹ Ou li ngahelipi? Nghi ku shii, ashike Kalunga oku ku shii. Owa itavela kutya Kalunga ota dulu okulombwela nge oupyakadi woye? Tala kuame. Ou na oupyakadi. Ashike owa fikama lela apa molwa umwe elili, noye umwe oo a tekulwa

pamwe naave. Omumwanyoko. Oshi li mondjila. Paife owa itavela kutya Kalunga ota dulu okulombwela nge eshi shapuka nomumwanyoko oo? Oto shi tambula? Oku na oupyakadi womutima. Oshi li mondjila. Owa itavela ta veluka paife? Hano, paitavelo loye, nashi ku ningilwe.

²⁸⁰ Ila, mukainhu. Ou li ngahelipi? Nge Kalunga okwa lombwеле nge kutya oupyakadi woye owashike, ile eshi wa ninga, ile sha, otashi ku ningi u itavele? Ou shii kutya ame... Nghi—nghi—nghi ku shii. Otashi kala ouakwatya Waye okuliholola Wovene muame, paNdovo oyo Ye a udaneka. [Omumwameme ta ti, “Ohandi shi itavele.”—Sd.] Owe shi itavela? [“Eheno. Amen.”]

²⁸¹ Ove omukwao, ou na oupyakadi ngaashi omukainhu womido doye ta dulu okukala, ashike elipulo loye linene okombinga yaumwe elili. Ehalo loye kuKalunga; oto kongo Kalunga ha molwoyemwene, ashike omolwa umwe elili, oye omulumenhu. Omulumenhu woye. Ndele oku na oupyakadi womutima. Owa itavela kutya Ye ote... Kalunga ote mu velula? Inda, shi itavela. Ndele, ngaashi wa itavela, osho to ningilwa.

²⁸² Paife, uwete, okuudifa akushe, otundi oyo nda li handi udifa. Oyo, kutya okwa li shike, vatatu ile ovanhu vanhe va pita po, paife oshidjuu okufikama apa. Uwete? Uwete, ongudu aishe otai monika ya fa omashini, apeshe omu. Uwete? Jesus okwa ti, “Omafa okwa dja muAme.” Ndele omukainhu umwe, a kuma oshikutu Shaye, a kufa omafa muYe, ndele Ye Omona waKalunga; kombinga yange, omulunde a xupifwa kefelonghenda Laye?

²⁸³ Ye okwa ti, “Oinima Handi i longo naye yo ote i longo. *Ihapu* i dule ei ote i longo.” Ondi shi shii kutya oKing James otai ti, “inene.” Ashike nge owa kufa efatululo lopetameko, ola ti, “*Ihapu* i dule ei ote i longo.” Kape na umwe ta dulu okulonga inene. Ye okwa nyumuna ovafi, ndele Ye okwa kanghameka oushitwe, nokuninga kesheshimwe. Ashike Ye okwa ti, “*Ihapu* i dule ei ote i longo, shaashi Ohandi i kuTate.”

²⁸⁴ “Ounyuni itau mono Nge; ashike nye otamu mono Nge, osheshi Ohandi...” Tala, “Ohandi,” Ohandi—Ohandi oshityadinaponhele paumwene. “Ohandi kala pamwe nanye, munye.” Hano, kashi fi omunhu. O Kristus.

²⁸⁵ Ohandi shi popi, ndi litukumune kaniingholi, ndi lishunife. Oto i pondodo fiyo konima yefimbo... Kashi fi efimbo wa ya ko, ile luapa; oshi li pokati. Vangapi ve shi uditeko? Ondi shi shii oto—oto diladila ou uditeko. Ondi li, yo.

²⁸⁶ Ou shi shii nale kutya ovatoti voitevo novaxunganeki alushe ova lyalyakana? Vangapi ve shi shii?

²⁸⁷ Vangapi va lesa William Cowper, omutoti woitevo munene Omuingilisa? Ou weteko, okwa shanga, “Pe nofifiya

ya yadifwa nOhonde, okudja muImmanuel." Konima a shanga eimbilo olo, owa uda eshi she mu ningilwa? Onda fikama pombila yaye ha nale unene. Okwa kendabala okulidipaa, nokuwila momulonga.

²⁸⁸ Vangapi va uda Stefanus Foster, a pa America omaimbilo aye mawa? Oku a na momutwe ashike ha momutima. Efimbo keshe enwefemo tali mu hange, oha shange eimbilo. Hano eshi enwefemo le mu fiya po, ke shii eshi e nokulilongifa yemwene, ndele okwa kana. Okwa—okwa—okwa kala moukolve. Ndele lwaxuuninwa eshi a tameka okudja menwefemo olo, okwa ifana omupiya, nokukufa okambi nokulidipaa. Oshi li mondjila.

²⁸⁹ Tala kuElia, omuxunganeki. Okwa ya ko nokuifana omundilo keulu; a ifana odula keulu mefiku lotete; nokwiidila omaulu nokuninga ashishe. Hano eshi enwefemo le mu fiya po, okwa ya mombuwa nokuhala okufya. Ndele Kalunga te mu mono, omafiku omilonganhe komesho, a tula ombuda mekololo. Oshi li mondjila?

²⁹⁰ Tala kuJona, omuxunganeki. Konima a yandja etumwalaka laye, okwa ya nokukalomutumba koshikulundudu, ta pula Kalunga e mu efe a fye. Uh-uhu. "Lekela omupiya Woye a ye nombili."

²⁹¹ Ovanhu kave shi uditeko. Ahawe, ahawe, ito dulu. Ile handi dulu okushi ndjadju kununa, ile omunhu umwe. Ito dulu okundjadju kununa Kalunga. Kalunga ke shiivike pakonakono lounonganoni. Kalunga oku shiivike paitavelo. Otwe Mu itavela. Oto dulu okundjadju kununa ngahelipi? Otashi kala eitavelo ngahelipi, vali? Otu shii Kalunga paitavelo.

²⁹² Ongeleka itai ka shiiva oilonga neloloko, nokulonga neyeleko, olo tali kendabala oku Li eta, Etumwalaka. Ye okwa ninga. Ondjabi yange itai di kovanhu.

²⁹³ Tala oku, mukainhu. Eheno, meendelelo. Omukainhu oo okwa vikininwa okufya. Kalunga nge ite uya komukainhu, ondi wete...Kamu wete omulalu oo u li kombada yaye? Ota fi, shi li ngaashi ounyuni. Apa ha nale unene, ova faneka efano lashimwe shatya ngaha, nondi li na keumbo. Oku na omudidimbe ulaula popepi naye. Okwa vikininwa okufya.

²⁹⁴ Omukainhu munini oku na etando. Nometando eli, ova tanda okaangela. Ndele paife oku na oupyakadi, aushe wo—wo, iya, ekitakano ashike. Oshinima shimwe, owa nghudipala ito dulu okufikama. Oshinima shikwao, tashi di mokamunda komaxu otwila. Paife, opo u mone kutya itandi ti sha. Uwete? Oshi li mondjila. Ashike, mukainhu, ndokotola okwa kendabala. Ohandi shi mu pele olupandu. Ashike, okwa li omuhwepopaleki, ashike Kalunga oye eveluko. Oto ka fya ngaho. Ye okwa ninga ashishe osho ta dulu. Owa itavela? [Omumwameme ta ti, "Eheno."—Sd.] Ila oku, omunute ashike.

²⁹⁵ Patumo eli nda pewa kuKalunga Omunaenghono adishe, e li ningila nge ondombwedi kOmwengeli, oo e li po paife molupe lOluudi lOmundilo, ohandi tokola omunawii ou ta dipaa omwenyo womukainhu ou. MEDina laJesus Kristus. Amen.

Inda, itavela paife. Naashishe shi li muove, itavela.

²⁹⁶ Ou na oupyakadi oo hau dipaa ovanhu vahapu shidulife shimwe shi lili, oupyakadi womutima. Otava ti oo omukifi wotete, ashike hasho, mufimanekwa. Oulunde oo omukifi waitavelwa wotete. Owe shi itavela kutya Ye ota dulu okuvelula omutima oo noku ku kaleka nawa? [Mumwatate ta ti, "Ondi shi shii Ye ota dulu."—Sd.] Hano inda, shi itavela. Kalunga ne ku yambeke.

²⁹⁷ Oto diladila Kalunga ota dulu oku velula ombuda yoye noku ku kaleka nawa? Owe shi itavela nomutima woye aushe? Inda, shi itavela, mumwameme. Tala eshi tashi ku ningilwa, oto kala xwepo.

²⁹⁸ Odindo noupyakadi womutima. Ashike owa itavela kutya Kalunga ote ku kaleke nawa? [Omumwameme ta ti, "Onda itavela."—Sd.] Nomutima woye aushe? ["Eheno, omufimanekwa."] Oto shi tambula? ["Eheno, omufimanekwa."] Ngaashi wa itavela, oo omukalo tashi ku ningilwa. Paife inda, shi itavela nomutima woye aushe, naKalunga ote ku kaleke nawa.

²⁹⁹ Ou na yo oupyakadi wombuda. Owa itavela kutya Jesus Kristus ota dulu oku ku kaleka nawa? [Omumwameme ta ti, "Eheno, omufimanekwa."—Sd.] Inda paife, shi itavela nomutima woye aushe. Itandi dulu oku ku velula, uwete.

³⁰⁰ Okamundakomaxu oludalo, elyalyakano, nosho yo ou na odindo. Owa itavela kutya Kalunga ote ku kaleke nawa, te ku velula? Owe shi tambula? Inda, noku shi itavela, hano.

³⁰¹ Ohai ku kaleke oupafi efimbo lihapu, tokolola. Ashike Kalunga oha velula oasima. Owe shi itavela? [Omumwatate ta ti, "Eheno, omufimanekwa."—Sd.] Owa itavela Ye ote ku kaleke nawa paife? ["Eheno, omufimanekwa."] Kalunga ne ku yambeke. Tangi, molwa eitavelo loye.

³⁰² Oshike nge onda kala ina ndi ku lombwela sha, oku ku tenheka omake ange, oto itavele? [Omumwatate ta ti, "Eheno."—Sd.] Ila oku. Ohandi ku tenheke omake ange, MEDina laJesus Kristus, nodindo nai ku fiye po. Otai i.

³⁰³ Ila. Ila, mumwameme. Owa itavela? [Omumwameme ta ti, "Eheno, omufimanekwa. Onda velulwa nale kOmwene."—Sd.] Iya, oshikumwifi. ["Halleluya!"] Inda hano ka lye omusha woye, nedimo loye otali kala nawa. ["Halleluya! Halleluya! Halleluya!"]

³⁰⁴ Oupyakadi uhapu wombuda, owe ku piyaneka efimbo lile. Inda, nokuitavela...Inda, nokuitavela kutya oto ka kala nawa, naKalunga ote shi ku ningile nawa. [Omumwatate

ta ti, “Kalunga okwe shi ninga. Amen.”—Sd.] Amen. Osho ngaho. [“Hambelela Omwene.”] Omwene ne ku yambeke, mumwatate. Amen.

³⁰⁵ Osuuka kai fi sha, opo Kalunga e ku velule. Ye ote ku kaleke nawa. Owe shi itavela? [Omumwatate ta ti, “Onda itavela.”—Sd.] Oshi li nawa. Shi tambula, noku Mu itavela paife nomutima woye aushe.

³⁰⁶ Ou i na yo mohonde yoye. Owa itavela kutya Kalunga ote ku kaleke nawa? Inda, shi itavela nomutima woye aushe, nokukala nawa.

³⁰⁷ Owa itavela kutya Ye okwe ku velula hano eshi she ku denga? Ye okwe shi ninga.

³⁰⁸ Oupyakadi woukainhu. Oupyakadi womutima. Owe shi itavela? [Omumwameme ta ti, “Shi itavela.”—Sd.] Inda, ve—veluka mEdina laJesus.

³⁰⁹ Owa itavela kutya Kalunga ote ku kaleke nawa, otiyanafyo yoye otai kala... Yambekwa! Twikila ashike.

Ihandi velula. Itandi velula. Nghi fi omuveluli.

³¹⁰ Oto diladila shike eshi Ye a popya kombinga yombuda yaye, owa itavela kutya yoye otai kala nawa, yo? Oshi li nawa, inda ashike, shi itavela, hano... Inda ashike shi itavela, nomutima woye aushe.

³¹¹ Yoye yo, owa itavela kutya Kalunga ote ku kaleke nawa? Inda, shi itavela, nomutima woye aushe. Kalunga ote shi ku ningile... Ou na oku shi itavela, nande ongaho.

³¹² Owa itavela kutya Kalunga ote ku kaleke nawa, yo? [Omumwameme ta ti, “Hambelela Omwene! Onda itavela lela.”—Sd.] Oshi li nawa. Kalunga ne ku yambeke. Linyengela komesho nokuitavela nomutima woye aushe.

³¹³ Ila, mufimanekwa. Eta litoka lonale tali ndoda. Ekonakono lasho otali unlike osuuka. [Omumwatate ta ti, “Osuuka.”—Sd.] Owa itavela Ye ote ku kaleke nawa? Natu ye ku Kalvali molwa ekufo lohonde. Paitavelo, mEdina laJesus Kristus, ne ku velule. Amen. Kalunga ne ku yambeke, mumwatate. Itavela nomutima woye aushe. Owa itavela? [“Oshili naana.”]

³¹⁴ Ongahelipi kombinga yeni vamwe mengungo paife? Omwa itavela nomutima deni adishe, kutya Jesus Kristus okwe lifa onghela, nonena, nofiyoalushe? Omwe shi itavela? [Eongalo tali ti, “Amen.”—Sd.]

³¹⁵ Ongahelipi moshikandjo *eshi*? Omukainhu munini e li omutumba, a tala lela kuame, ta hepa noupyakadi woukainhu, owa itavela kutya Kalunga ote ku kaleke nawa? Wa djala ombaikifa inini imbulau. Oshi li nawa. Itavela paife, Jesus Kristus ote ku kaleke nawa. Oshipu lela.

³¹⁶ Omukainhu e li lela omutumba konima yoye, eexwiki dilaula. Okwa ti, “Tangi, Omwene.” Shonhumba oshe mu denga.

Ka li eshi shii kutya Osha li shike. Oupyakadi wokamunda komaxu owe ku fiya po, u li omutumba opo, konima lela yomukainhu owa veluka hano. Nge owa itavela nomutima woye aushe, mukainhu. Owa itavela? Oshi li nawa, yelufa eke loye nge owa hala oku shitambula. Kalunga okwe ku kaleka nawa.

Kombinga yaou e li apa, umwe e li *omu*?

³¹⁷ Konima mengungungo, paife nengungumano ashike. Ino linyenga. Uwete, omikifi edi ohadi di kuumwe okuya kumukwao.

³¹⁸ Kombinga yoye, omufimanekwa? Omulumenhu omukokele e li omutumba moshipundi omu? Owa itavela? Owa itavela kutya Kalunga ota dulu oku ku velula? Odindo, nou na omidi domapunga. Owa itavela Kalunga ote ku kaleke nawa? Owa itavela? Oshi li nawa, oto pewa eshi wa indila. “Nge to itavele!”

³¹⁹ Oto diladila shike, mukainhu, u li omutumba wa shaama naye? Owa itavela, yo? Owa itavela? Owa itavela Kalunga ota dulu oku lombwela nge oupyakadi woye oulipi? Ou li kokule naame. Mu itavela ashike paife. Owa itavela kutya onde ku lombwela Oshili? Hano efindakano lohonde yoye yalonda otali shuna poshi. Owe shi itavela?

³²⁰ Owa yelufa eke loye, yo. Owa li to kendabala oku mu twomukumo. Owa itavela Kalunga ota dulu okulombwela nge eshi... Owa kala lela u muwa oku mu kwafa, paife Kalunga ota kala muwa oku ku kwafa. Ou na oupyakadi wopamhepo oo wa kala tau ku piyaaneke. Nge oshi li mondjila, molola eke loye *ngaha*. Ota shi ka pwa paife. Ye okwe shi yukifa.

³²¹ Vangapi va itavela? Vangapi vomunye tamu-...oo ehe fi Omukriste, e na e—eliudo kutya Jesus Kristus oku li apa, oo a hala okufikama paife, ta ti, “Jesus, onda hala okulididilika onga omulunde, Iho dimine nge po omatimba ange?” Fikama keemhadi doye. Kalunga ne ku yambeke, mufimanekwa. Kalunga ne ku yambeke. Kalunga ne ku yambeke. Kalunga ne ku yambeke. Osho... Kalunga ne ku yambeke, ove, ove, ove. Ngaha, Ye oku ku wete. Ye okwa tula mo edina loye eshi we shi ninga.

³²² Lwaapa pehalandjadja, fikama, to ti, “Omwene Jesus, onda hala yo, onda hala okudidilikwa. Onda hala onghenda yomwenyo wange.” Kalunga ne ku yambeke, mufimanekwa. “Onda hala onghenda, Omwene Jesus.”

³²³ Ku weteko, kaume, ha Ye ou apa? Kalunga ne ku yambeke, omulumenhu omunyasha. Kalunga ne ku yambeke. Kalunga ne ku yambeke, mukainhu munyasha. Osho oshinima shinennenene wa ninga. Paife umwe elili oo ine shi ninga, fikama, to ti, “Onda hala okudidilikwa, Omwene Jesus. Ohandi lididilike, konguloshi.”

³²⁴ “Ou ta hepaulula omatimba aye, ota filwa onghenda. Ou ta holeke omatimba aye, ita kala nelao.”

³²⁵ Ito shi ningi, mOukalipo Waye? Kalunga ne ku yambeke, mukainhu. Onda hala... Kalunga ne ku yambeke. Eheno. Ndele Kalunga ne ku yambeke. Kalunga ne ku yambeke, mufimanekwa. Kalunga ne ku yambeke, mukainhu. Omwene ne ku yambeke.

³²⁶ Oto ti, “Otashi ti sha?” Pokati kefyo nomwenyo, olo eyooloko.

³²⁷ Owa dimbulula Oukalipo Waye apa? Owe u dimbulula? Ou u udite? Uwete, ou U wete, ou U wete tau longo. Oye ngaho. Osho naana Ye a ti Ye ota ningi. Owe shi itavela? [Eongalo tali ti, “Amen.”—Sd.]

³²⁸ Umwe elili ta ti, “Onda hala oku lididilika onga omulunde, Omwene. Owa dimina nge po omatimba ange paife.” Nge owa fikama nale, yelufa ashike eke loye. Vamwe vomunye kekuma, yelufa... Kalunga ne ku yambeke. Kalunga ne ku yambeke. Umwe elili ta ti, mehalandjadja fiyo okomesho, to ti, “Onda hala okulididilika mwene, Omwene Jesus. Ohandi indile onghenda, konguloshi, mOukalipo Woye wOukwakalunga, mokuitavela kutya, Kalunga oo ta pangula nge, Oukalipo Waye ou li apa paife. Ye oku shi shii kutya Ye ota popi komutima wange nokulombwela nge onda puka. Onda hala okufikama nokutya onda puka. Ohandi hepaulula epuko lange. Oto tokola nge, momutima wange.” Olo etomhelo nda kangheka omukweyo weilikaneno. Kalunga ne ku yambeke. Kalunga ne ku yambeke.

³²⁹ Oto lipula oshike nde u kanghamekela? Onde u kanghameka molwaashi ondi shii eshi sha ningwa po.

³³⁰ Paife, ope na vamwe opa, itamu fikama? Fikama nokutya Sha otashi popi komutima woye, owa puka. Kalunga ne ku yambeke, mufimanekwa. Kalunga ne ku yambeke. Kalunga ne ku yambeke. Kalunga ne ku yambeke. “Onda puka. Dimine nge po, Omwene. Ohandi lididilike. Onda fikama, Omwene, mOukali Woye. Ondi shi shii Ou li apa. Onda... Ou nokukala apa. Owa ti eshi otashi kala o—oshinima To ningi. Paife onda kala... Ondi wete edidiliko, ndele ondi shi shii onde li ndjadju kununinwa kutya oli nokukala edidiliko lefimbo eli. Onda uda Ewi olo la ifanununina nge kepapuduko. Aame ou, Omwene. Onda itavela edidiliko. Onda uda Ewi.”

³³¹ Ewi otali popi naave paife! Aluka, Akutu omuhalakanifwa! Aluka, Akutu nyofi tai elaela! Aluka, Akutu ou wa kala omutewatewi! Aluka, konguloshi!

³³² Ito aluka? Fikama nokutya, “Ohandi lididilike onga omulunde, handi indile onghenda.” Ito shi ningi, umwe elili? Kalunga ne ku yambeke, mukainhu. Kalunga ne ku yambeke, oko, monamati. Nge onde ku shekuna, Ye ite ku shekuna. Kalunga ne ku yambeke, mukainhu. Oshi wa lela. Oshi wa lela. Umwe elili? Diinina ashike... Onda hala okudama

omunute, molwaashi ondi udite natango omutengi apa, uwete. Umwe elili? Kalunga ne ku yambeke, mukainhu. Oo omukalo shi nokuningwa. Osho ngaho. Umwe elili, "Onda hala oku lididilika, handi li yelufa nokutya onda puka. Ohandi indile onghenda"? Ito shi ningi? Diva meendelelo manga inatu ya komesho, yeluka nokutya, "Onda hala oku lididilika, Omwene Jesus." Kalunga ne ku yambeke, mukainhu munyasha.

³³³ Ou weteko, pamwe manga ino fika keumbo, ashike efimbo limwe ile shikwao tapa kala oshihemime shitalala tashi ya moshipala shoye. Pamwe ongula imwe ndokotola ote uya ndele ta pupu omifudo doye tadi ku shili, kape na sha vali tashi dulu okuningwa. Hano oto udu omakufikufi a talala efyo taa kaama moshipala shoye. Oto dimbuluka eshi wa ninga.

³³⁴ Dimbuluka, itave ku pake moule unene, itave ku ningi sha. Kalunga okwa udaneka, "Ohandi ku nyumuna natango, kefiku laxuuninwa." Tala. "Ou ta udu Eendjovo Dange nota itavele Ou a tuma Nge, oku nOmwenyo Waalushe ndele ita ka Pangulwa, ashike okwa dja mo mefyo e uya mOmwenyo." Umwe Shi dima mo nge oto dulu. Jesus Kristus Osho a ti. "Ou ta itavele, ou, ta udu Eendjovo Dange nota itavele Ou a tuma Nge, oku nOmwenyo Waalushe, ita ka Pangulwa, etokolo, ashike okwa dja mo mefyo e uya mOmwenyo." Molwaashi, okwa itavela Omona ewifa laKalunga, oo Kalunga a nyumuna, omido omayovi avali dapita, noku na omwenyo apa, konguloshi, ta ulike oukwatya Waye wenyumuko Laye.

³³⁵ Kape na vali umwe ta fikama, konima yaou, mukwao ta ti, "Onda hala oku U tambula. Onda hala oku Mu tambula." Kalunga ne ku yambeke. Kalunga ne ku yambeke. Oshi wa lela, mukainhu munini. Oshinima shoupenda. Onda hala u didilike.

³³⁶ Onda tala eifano koaltari, apa fimbolimwe lapita, ovanhu tave uya, tava tafina tafina osigamu, tava ngunyunafana meenho.

³³⁷ Ashike owa didilika elitulemo koipala yovanhu? Hano ovakainhu ovanyasha, nokuli konima yoku va tokola kombinga yeexwiki davo da vindilwa, ve litula ondomo; nondomo oyo ve litula, neexwiki da vindilwa, va fikama va yukilila shelifa, "Ame omulunde. File nge onghenda, Kalunga." Odo eenhi dili po. Ouyelete owa shenukila kuyo, nove shi shii. Kalunga ne ku yambeke.

Natu nyongamekeni omitwe detu paife.

³³⁸ Onda hala omuitaveli keshe e li apa, oo a fikama popepi nomunhu oo a fikama, tenheka eke loye komunhu oo, (ito shi ningi?), umwe oo a fikama. Ova li va fikama puove. Nge ove Omukriste, tula ko omake oye, komumwameme, mumwatate, "Onda tula omake ange kuove paife. Ohandi ka ilikana."

³³⁹ Tate Omukwaulu, ope na ava ve li apa konguloshi ve—ve Ku itavela. "Eembuto dimwe oda wila mondjila," Owa ti,

“eedila ode uya ndele tadi di shomona po. Dikwao oda wila medu lomamanya, nomakiya neeshosholo. Ashike dimwe oda ya muliwa, edu loushoshos.” Ndele Oukalipo Woye okukala apa, konguloshi, owa itavelifa vahapu ve li apa konguloshi kutya Ove Omona waKalunga, kutya Ou nomwenyo fiyoalushelushe. Ndele Owa udaneka, molwaashi Ou nomwenyo, ohatu kala nomwenyo yo.

³⁴⁰ Omwene Jesus, ova yeluka nokufikama onga eendombwedi kutya ove Ku itavela. Paife, Omwene, ondi shi shii Oto ke va fikamena po mEfiku olo. Shi wanifa, Omwene. Onde va yandja kuOve, mEdina laJesus Kristus. Nava ye kongeleka imwe iwa nokushashelwa meshasho lOukriste. Nave lidjoine pamwe nongudu iwa yovaitaveli. Nava yadifwe nOmhepo Iyapuki. Nava kale omakopifindano Evaengeli, eembuto moshikoloni Shoye kEfiku olo. Ndele nge inandi va mona vali ombinga ei yEfiku olo linene, nandi va mone Efiku olo ngaashi memoniko, tava ti, “Ito dimbuluka nge? Osha li koBaton Rouge, oufiku oo, nda fikama.” Shi wanifa, Tate. Ovo Ye, mEdina laKristus.

³⁴¹ Eshi, shi li komesho yange, oshipakete shounasituke, eenghaku dinini, omabutya, ounasituke, noikutu, noiteta. Otwa longwa, mOmbibeli, kutya ova kufa kolutu lOmuyapuki Paulus, ounasituke noiteta, eemhepo danyata oda dja mo movanhу. Paife, Tate, otu shi shii kutya ha fye Omuyapuki Paulus, ashike Ou li natango Kalunga e lifa, onghee ohandi ilikana opo U yandje oidjemo ye lifa, ngaashi elitulemo lepupi eli tali itavele. Inava itavela Paulus molwaashi a li Paulus; ova itavela Paulus molwaashi Owe lididilika Mwene pamwe naPaulus. Paife ova itavela oshinima shelifa konguloshi, Omwene, opo Wa didilikwa mokati ketu, konguloshi. Ndele efiku limwe, ohatu ti o . . .

³⁴² Omushangi umwe okwa li te tu lombwele, kutya, “Israel okwa li mondjila yaye okuya kedu leudaneko, ndele Efuta Litilyana ola ya mondjila, oku va teta ko kedu leudaneko.” Omushangi okwa ti, kutya, “Kalunga okwa tala poshi mOluudi lOmundilo, nomesho ehandu, eshi Le linyengela kombada yaIsrael. Osha ninga oupofi, omilaulu komuheneitavelo, nouyelele kuIsrael. Ndele eshi Efuta Litilyana olo la ya mondjila, ola tila, nole lishuna monima, ndele Israel okwa taulukila kedu leudaneko koukukutu.”

³⁴³ Omwene Kalunga, tala poshi konguloshi, mOhonde yaJesus Kristus, Omona Woye. Ngaashi handi tenheke omake ange kounasituke ava; eshi ve va tula kovanaudu, Omhepo Iyapuki, Omwene, tala komunhu oo, ndele omukifi nau kanduke mo, ndele nava taulukile medu olo loukolele uwa nomafa. Oppo, Ombibeli ya ti, “Kombada yaaishe,” opo va hale kutya ohatu “punapala moukolele.” Shi wanifa, Omwene. Ohandi va tumu, mEdina laJesus Kristus. Amen.

. . . nge ohandi shikula,
 Apa Ye ta wilikile . . . (natu imbeni) . . .
 shikula,
 Ohandi i pamwe naYe, (paife Oukalipo
 Waye ou li apa, natu Mu linyongameneni
 meimbilo, linyenye), ondjila aishe.

³⁴⁴ Iho li imbi lela ngaha?

Apa Ye ta wilikile nge ohandi shikula,
 Apa Ye ta wilikile nge ohandi shikula,
 Apa Ye ta wilikile nge ohandi shikula,
 Ohandi i (nge owa hala, paife yelufa eke
 loye), pamwe naYe ondjila aishe.

Natu fikameni paife, yelufa omake oye natango.

. . . Ye moshikunino,

³⁴⁵ Kesheumwe imba mOmhepo paife. Etumwalaka tali tete
 lela. Natu Mu linyongameneni mOukalipo Waye. Ye oku hole
 okulinyongamenwa.

. . . oshikunino,
 Ohandi i pamwe naYe moshikunino,
 Ohandi i pamwe naYe, pamwe naYe ondjila
 aishe.

³⁴⁶ Paife natu li lididimeni. "Itandi dulu . . ." Paife ngeenge to
 shi ningi, onda hala uminike omake naumwe, to ti, "Kalunga
 ne ku yambeke, muendanandjila. Kalunga ne ku yambeke,
 muendanandjila," ngaho. Fyeni vamwe aveke. Ovamethodiste,
 nOvabaptiste, Ovapresbeteri, Ovapentekoste, amushe
 minikafaneni. "Kalunga ne ku yambeke, muendanandjila."
 Osho tu li: ovaandanandjila.

. . . oshikunino,

³⁴⁷ Kalunga ne ku yambeke, muendanandjila. Kalunga ne
 ku yambeke. [Mumwatate Branham neongalo va twikila
 okuliminika. Okanhele kehe na sha mokateipa—Sd.]

. . . oshikunino,

Paife yelufa omake oye.

Ohandi i pamwe naYe, pamwe naYe ondjila
 aishe.

³⁴⁸ Natu nyongamekeni omitwe detu, twelininipika,
 meilikano. Ino dimbwa, mongula, ofikola Yosoondaxa.

³⁴⁹ Ngaho ile shikwao, ondi udite Oukalipo waKalunga lela
 momutima wange. Oshidjuu kuame okuya, konguloshi, ngaho.
 Ondi udite Omhepo Iyapuki ya hokwifwa, konguloshi. Otashi
 dulika tu na oshiongalele shinene mongula, mokumona ovanhu
 tave uya kuKristus, ou wete. Umwe okwa kumwa kutya
 omolwashike inandi ninga eifano koaltari. Onda teeela fiyo
 ohandi wilikwa oku shi ninga. Uwete?

³⁵⁰ Onde lineekela kutya kesheumwe oo a yelufa eke laye, ile a fikama, onde lineekela kutya oto ka kala kongeleka iwa mongula, kufa onhele yoye mokati kovaitaveli.

³⁵¹ Fimbo tu na omitwe detu da nyongamekwa, ohandi indile omufitaongalo e li apa e uye komesho, nge okwa hala, molwa okulekela. Kalunga ne ku yambeke paife, nomitwe detu nomitima detu da nyongamekwa koshipala shaKalunga. 

EWI LEDIDILIKO OSH64-0321E
 (The Voice Of The Sign)

Etumwalaka eli kuMumwatate William Marrion Branham, patamekelo layandjelwe mOshilingilisa mOlomakaya konguloshi, Malisa 21, 1964, koDenham Springs Ofikola Yopombada moDenham Springs, Louisiana, U.S.A., ola kufwa okudja kekwatelo lengenete teipa nola nyanyangidwa metwokumwe mOshilingilisa. Efatalulo eli Oshikwanyama ola nyanyangidwa noku andjakanekwa koVoice Of God Recordings.

OSHIKWANYAMA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
 58 DISA ROAD, ADMIRAL'S PARK, GORDON'S BAY 7140 WESTERN CAPE
 REPUBLIC OF SOUTH AFRICA

VOICE OF GOD RECORDINGS
 P.O. Box 950, JEFFERSONVILLE, INDIANA 47131 U.S.A.
www.branham.org

Oufemba didiliko

Eemhito adishe oda kalekwa. Embo eli otali dulu okunyanyangidwa koprinta meumbo molwa elongifo lopumwene ile okuyandjwa po, oshali yovene, onga oshilongifo okuandjakaneka Evaengeli laJesus Kristus. Embo eli itali dulu ku landifwa, okwiindjipalekwa mondswana, okutulwa kowebsite, okutuvikilwa momukalo wonumba, okufatululilwa momalaka akwao, ile okulongifwa molwa eyambidido lopashimaliwa pehe na epitikilo laVoice Of God Recordings®.

Molwa ouyelele uhapu ile molwa oilongifo ikwao ili po, alikana kwatafana:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org